


宋書



志第十九

宋書二十九

大東正平十月嘉禾生臣沈自昌約 新撰

晉左帝符瑞下平十二月嘉禾生

嘉禾五穀之長王者德盛則二苗共秀於周德

三苗共穗於商德同本異穗於夏德異本同秀

漢宣帝元康四年嘉穀玄稷降于郡國

漢章帝元和中嘉禾生郡國

漢安帝延光二年六月嘉禾生九真百十六本

七百六十八穗平四月嘉禾生太后農帝

漢桓帝建和二年四月嘉禾生太司農帑

漢桓帝永康元年八月嘉禾生魏郡

魏文帝黃初元年郡國三言嘉禾生

吳孫權黃龍三年十月會稽南平始言嘉禾生

孫權赤烏七年秋宛陵言嘉禾生

晉武帝泰始八年十月瀘水胡王彭護獻嘉禾

晉武帝太康四年十二月嘉禾生扶風雍

太康五年七月嘉禾生豫章南昌

太康八年閏三月嘉禾生東夷校尉園

太康八年九月嘉禾生東萊掖

晉愍帝建興元年八月癸亥嘉禾生襄平縣一

莖七穗

建興二年六月嘉禾生平州治三實同蒂

建興三年七月嘉禾生襄平縣異體同蒂

宋文帝元嘉二年十月嘉禾生潁川陽翟太守

垣苗以聞

元嘉九年三月嘉禾生義陽豫州刺史長沙王

義欣以獻

元嘉十年八月嘉禾生汝南苞信豫州刺史長沙王義欣以獻

元嘉十一年八月嘉禾一莖九穗生北汝陰太守王玄謨以獻

元嘉二十年六月嘉禾一莖九穗生上庸新安梁州刺史劉道以獻

元嘉二十一年嘉禾生新野鄧縣雍州刺史蕭思話以獻

元嘉二十二年六月嘉禾生藉田一莖九穗

元嘉二十二年七月癸酉嘉禾生平虜陵徐州刺史臧質以獻

元嘉二十二年九月嘉禾生太尉府田太尉江夏王義恭以聞

元嘉二十二年九月嘉禾生楊州東耕田刺史始興王濬以聞

元嘉二十二年嘉禾生華林園百六十穗園丞陳襲祖以聞

元嘉二十二年嘉禾生潁川陽白豫州刺史趙

伯符以獻

元嘉二十三年七月乙丑嘉禾旅生藉田藉田

令褚熙伯以聞

元嘉二十三年七月庚午嘉禾生丹陽椒唐里

揚州刺史始興王濬以聞

元嘉二十三年七月庚辰嘉禾生醴湖屯屯主

王世宗以聞

元嘉二十三年八月己酉嘉禾生華林園園丞

陳襲祖以聞

元嘉二十三年九月庚申嘉禾生沛郡蕭征北

大將軍衡陽王義季以聞

元嘉二十三年嘉禾生江夏汝南荊州刺史南

譙王義宣以聞

元嘉二十四年七月乙卯嘉禾旅生華林園及

景陽山園丞梅道念以聞太尉江夏王義恭上

表曰臣聞居高聽卑上帝之功天且弗違聖王

之德故能影響二儀甄陶萬有鑒觀今古採驗

圖緯未有道闕化虧而禎物著明者也自皇運

受終辰曜交和是以卉木表靈山淵效寶伏惟
陛下體乾統極休符襲逮若乃鳳儀西郊龍見
東邑海會獻改緇之羽河祗開俟清之源三代
象德不能過也有幽必闡無遠弗屆重譯歲至
休瑞月臻前者躬藉南畝嘉穀仍植神明之應
在斯尤盛四海旣穆五民樂業思述汾陽經始
靈囿蘭林甫樹嘉露頻流板築初就祥穰如積
太平之符於是乎在臣以寡立承乏槐鉉沐浴
芳津預覩冥慶不勝抃舞之情謹上嘉禾甘露

頌一篇不足稱揚美烈追用悚汗其頌曰二象
攸分三靈樂主齊應合從在今猶古天道誰親
唯仁斯輔皇功帝績理冠區宇四民均極我后
體茲惟機惟神敬昭文思九族旣睦萬邦允釐
德以位敘道致雍熙於穆不已顯允東儲生知
夙叡嶽茂淵虛因心則哲令問弘敷繼徽下武
儷景辰居軒制合宮漢興未央矧伊聖朝九有
已康率由舊典思燭前王乃造陵霄遂作景陽
有藹景陽天淵之涘清暑爽立雲氣呈特起植類

斯育動類斯止極望江波遍對岳峙化德惟達
休瑞惟懋誕降嘉種呈祥初構甘露春凝禎稷
秋秀于今匪烈嗣歲仍富昔在放勳曆莢數朝
降及重華倚扇清庖鑠矣皇慶比物競昭倫彼
典策被此風謠資臣六蔽任兼兩司旣愿伸袞
又慙鄭緇豈忘衡泌樂道明時敢述休祉愧闕
令辭

中領軍吉陽縣侯沈演之奏上嘉禾頌曰
禎圖昭晰瑞典運傾方閱時亨始顯梯火既章

鳥文斯辯於皇聖辟承物紀遠明兩辰麗昌輝

天行

其一

理妙位崇事神業盛淵渥德澤虛寂道

政協化安心調樂移性玉衡從體瑤光得正臣

星垂采景雲立慶

其二

極仁所被罔幽不攘至和

所感靡況弗彰駕出丹穴鸚起西湘白鹿踰海

素鳥越江結響穹陰儀形鐘陽

其三

治人奉天迺

勤迺格薰未俶載高廩已積嘉禾重穆甘露流

液擢秀辰畦揚穎角澤離稷合豪榮區蔭斥

其四

盈箱徵殷貫桑表周今我大宋靈貺綢繆帝終

撝謙釋思勿休躬薦宗廟温恭率由降福以誠
孝享虔羞其頌趾推功登徽獻詔恩覃隱顯賞

延荒徼河濂海夷山華岳耀憬琛負責兼澤委

效日表地外改服請教其茂對盛時綏萬屢豐

厭厭歸素秩秩大同上藏諸用下知所從仰式

王度俯歌南風鴻名稱首永保無窮其

元嘉二十四年八月乙巳嘉禾生魚城內晉陵

南徐州刺史廣陵王誕以聞

元嘉二十五年六月壬寅嘉禾旅生華林園十

株七百穗園丞梅道念以聞

元嘉二十五年六月壬子嘉禾生藉田藉田令

褚熙伯以獻其六日甲寅嘉禾生藉田藉田令

元嘉二十五年七月壬辰嘉禾生北海青冀二

州刺史杜坦以獻其八日酉嘉禾生數東禁中里

元嘉二十五年八月丙午嘉禾生太尉江夏王

義恭果園江夏國典書令陳穎以聞其陳史

元嘉二十五年八月壬子嘉禾生建康化義里

令丘珍孫以獻其八日癸丑嘉禾生華林園園丞

元嘉二十五年八月癸丑嘉禾生華林園園丞梅道念以獻

元嘉二十五年十一月嘉禾生巴東荊州刺史

南譙王義宣以聞

元嘉二十六年五月癸酉嘉禾生建康禁中里

揚州刺史始興王濬以獻

元嘉二十六年六月甲寅嘉禾生藉田藉田令

褚熙伯以獻

元嘉二十六年七月嘉禾生巴東胸臆荊州刺

史南譙王義宣以獻

元嘉二十七年十月己丑嘉禾生北海青州刺

史杜坦以聞

元嘉二十八年七月戊戌嘉禾生廣陵邵伯埭

兖州刺史江夏王義恭以聞

孝武帝孝建二年六月癸巳嘉禾二株生江夏

王義恭東田

孝建二年九月己丑朔嘉禾異畝同穎生齊郡

廣饒縣

孝建三年七月庚午嘉禾生吳興武康

孝武帝大明元年五月戊午嘉禾一株五莖生

清暑殿鷓尾中

大明元年八月甲申嘉禾生青州異根同穗

大明三年九月乙亥嘉禾生北海都昌縣青州

刺史顏師伯以聞

大明六年八月辛未嘉禾生樂陵青冀二州刺

史劉道隆以聞

明帝泰始二年七月己酉嘉禾生會稽永興太

守巴陵王休若以獻

漢章帝元和中嘉麥生郡國

晉武帝太康十年六月嘉麥生扶風郡一莖四

穗是歲收三倍

宋文帝元嘉二十三年醴湖屯生嘉粟一莖九

穗屯主王世宗以聞

元嘉三十五年六月壬子嘉黍生藉田藉田令

褚熙伯以獻

吳孫權黃龍三年由拳野稻生改由拳為禾興

吳孫亮五鳳元年交阯稗草化為稻

宋文帝元嘉二十三年吳郡嘉興監官縣野稻

自生三十許種揚州刺史始興王濬以聞田今

元嘉二十八年七月癸卯尋陽柴桑菽粟旅生

彌漫原野江州刺史建平王宏以聞粟一莖八

漢章帝元和中嘉瓜生郡國

漢安帝元初三年三月東平陵有瓜異處共生

八瓜同蒂

漢桓帝建和二年七月河東有嘉瓜兩體共蒂

晉武帝太康三年六月嘉瓜異體同蒂生河南

洛陽輔國大將軍王濬園

晉武帝太康元年十二月戊子嘉瓠生寧州寧

州刺史費統以聞

宋文帝元嘉二十五年四月戊辰嘉瓠生京邑

新園園丞徐道興以獻

孝武帝大明五年五月嘉瓜生建康蔣陵里丹

陽尹王僧朗以獻

明帝太始二年八月戊午嘉瓜生南豫州南豫

州刺史山陽王休祐以獻

文帝元嘉七年七月乙酉建康額檐湖二蓮一

帶文帝大肥五辛五日嘉瓜土裏東蘇刻里丹

元嘉十六年七月壬申華林池雙蓮同幹

元嘉十年七月己丑華林天淵池芙蓉異花同

帶陳史費慈以聞

元嘉十九年八月壬子揚州後池二蓮合華刺

史始興王濬以獻王春園

元嘉二十年五月廬陵郡池芙蓉二花一蒂太

守王淵以聞

元嘉二十年六月壬寅華林天淵池芙蓉二花

一蒂園丞陳襲祖以聞黃華林天淵池芙蓉二

元嘉二十年夏永嘉郡後池芙蓉二花一蒂太

守臧藝以聞平子日東宮之園園成二蓮同幹

元嘉二十年七月吳興郡後池芙蓉二花一蒂

太守孔山士以聞樂池成出二蓮同幹或丞蘇

元嘉二十年揚州後池芙蓉二花一蒂刺史始

興王濬以獻平六日丙午華林園天淵出二蓮

元嘉二十一年六月丙午華林園天淵池二蓮
同榦園丞陳襲祖以聞芙蓉二花一帶陳史故
元嘉二十年四月樂游苑池二蓮同榦苑丞梅
道念以聞平十日吳興縣外少芙蓉二花一帶
元嘉二十二年七月東宮玄圃園池二蓮同榦
內監殿守舍人宮勇民以聞芙蓉二花一帶
元嘉二十三年六月壬寅華林天淵池芙蓉二
花一帶園丞陳襲祖以聞林又開少芙蓉二花
元嘉二十三年六月辛丑太子西池二蓮共榦
池統胡永祖以聞

元嘉二十三年八月己酉魚邑三周池二蓮同
榦園丞徐道興以聞

孝武帝孝建二年六月庚寅玄武湖二蓮同榦
孝武帝大明五年藉田芙蓉二花同蒂大司農
蕭邃以獻六月壬午華林園玄圃園少皇太

明帝太始二年八月丙辰五城澳池二蓮同榦
都水使者羅僧愨以獻臺主殿樓南臺有碑史
太始二年八月己未豫州刺史山陽王休祐獻

蓮一花一蒂八月未將秋陳吳山國志本中

太始五年六月甲子嘉蓮生湖孰南臺侍御史

竺曾度以聞辛酉八月丙辰正始興也二載同

太始六年六月壬子嘉蓮生東宮玄圃池皇太

子以聞大即正辛酉田芙蓉二蒂同蒂大信

晉武帝太始二年六月壬申嘉柰一蒂十實生

酒泉不余並興以聞

太始七年六月己亥東宮玄圃池芙蓉二花一

蒂皇太子以獻聞

晉成帝咸和六年鎮西將軍庾亮獻嘉橘一蒂

十二實辛未宗學刻今上書言自大

晉安帝隆安三年武陵臨沅獻安石榴一蒂六實

雲有五色太平之應也曰慶雲若雲非雲若

煙非煙五色紛緼謂之慶雲與之八聞

漢宣帝神爵元年春齋戒之莫神爰顯著薦鬯

之夕神爰交錯或降于天或登于地或從四方

來集于壇上聞云辛酉五月壬子祭廟於景陽殿

漢章帝元和三年正月車駕北巡以太牢祠北

岳山見黃白氣辛丑五月車駕北巡以太牢祠北
宋孝武帝大明元年五月壬子紫氣從景陽樓
上層出狀如煙回薄良久炬登于此迤邐四丈
明帝太始二年三月丙午黃紫雲從景陽樓出
隨風回久乃消華林園令臧延之以聞

太始二年六月己卯日入後有黃白赤白氣東
西竟天光明潤澤久乃消示精也又曆一帝上會
太始四年十一月辛未崇寧陵令上書言自大
明八年至今四年二月宣太后陵明堂前後數
有炁及五色雲又芳香四滿又五采雲在松下
狀如車蓋

太始七年四月戊申夜京邑崇虛館堂前有黃
氣狀如寶蓋高十許丈漸有五色道士陸脩靜
以聞四年六月白兔見天木

白兔王者敬耆老則見

漢光武建武十三年九月南越獻白兔

章帝元和中白兔見郡國

魏文帝黃初中郡國十九言白兔見

晉武帝太始五年七月己亥白兔見北海卽墨
卽墨長獲以獻

晉武帝咸寧二年十月癸亥白兔二見河南陽
翟陽翟令華衍獲以獻

咸寧四年六月白兔見天水

晉武帝太康二年八月壬子白兔見彭城

太康二年十月白兔見趙國平鄉趙王倫獲以

獻

太康四年十一月癸未白兔見北地富平

太康八年十二月庚戌白兔見陳留酸棗關內

侯成公忠獲以獻

晉穆帝永和十二年九月甲申白兔見鄱陽太

守王者之以獻并上頌一篇

晉穆帝升平三年十二月庚申北中郎將郗曇

獻白兔晉海西公泰和九年四月陽穀獻白兔

晉孝武帝太元十五年三月白兔見淮南壽陽

晉安帝義熙二年四月無錫獻白兔

義熙二年四月壽陽獻白兔

宋文帝元嘉六年九月長廣昌陽淳于邈獲白兔青州刺史蕭思話以獻驗燔白兔

元嘉八年閏六月丁亥司徒府白從伊生於淮南繁昌獲白兔以獻味大平四月則燔白兔

元嘉十三年七月甲戌濟南朝陽王道獲白兔青州刺史段宏以獻驗一兔

元嘉十四年正月丙申白兔見山陽縣山陽太守劉懷之以獻

元嘉十五年七月壬申山陽師齊獲白兔南兖州刺史江夏王義恭以獻

元嘉二十二年三月白兔見東萊當利青州刺史杜冀以聞凡之五白兔具青真二州城

元嘉二十四年七月丁巳白兔見兖州刺史徐瓊以聞平閏二月之五白兔具平風動以

元嘉二十四年七月巳酉白兔見東莞太守趙球以獻平閏二月之五白兔具平風動以

元嘉二十七年二月壬辰白兔見竟陵荊州刺史南譙王義宣以獻丙午白兔具南太劍

元嘉二十七年六月丙午白兔見南汝陰豫州
刺史南平王鑠以獻
孝武帝孝建二年正月庚戌白兔見淮南太守
申坦以聞
孝建三年閏二月乙丑白兔見平原獲以獻
孝武大明元年六月庚子白兔見卽墨獲以獻
大明六年六月乙丑白兔見青冀二州刺史劉
道隆以獻

大明六年八月辛未白兔見北海青冀二州刺

史劉道隆以獻

斗殞精王者孝行溢則見

闕

赤烏周武王時銜穀至兵不血刃而殷服

漢章帝元和中赤烏見郡國

吳孫權赤烏元年有赤烏集於殿前

吳孫休永安三年三月西陵言赤烏見

晉元帝永昌二年正月赤烏見暨陽

宋武帝永初二年二月赤烏六見北海都昌

孝武帝大明五年六月戊子赤烏見蜀郡益州

刺史劉思考以獻

六月九日赤鳥見廣德縣

白燕者師曠時銜丹書來至

六月北城瑞昌

漢章帝元和中白燕見郡國

貝碧新

晉惠帝元康元年七月白燕二見酒泉祥福太

守索靖以聞

宋文帝元嘉元年七月壬戌白燕集齊郡城游

翔庭宇經九日乃去衆燕隨從無數

元嘉十四年白燕集荊州府門刺史臨川王義

慶以聞

元嘉十八年六月白燕產丹徒縣南徐州刺史

南譙王義宣以聞

元嘉二十年五月白燕集南平鄉府內內史臧

綽以聞

元嘉二十一年白燕見廣陵南兖州刺史廣陵

王誕以獻

元嘉二十四年五月辛未白燕集司徒府西園

太尉江夏王義恭以聞

元嘉二十五年八月壬子白燕見廣陵城南兖

萬曆三十二年刊

宋書志卷二十九

州刺史徐湛之以聞壬子白燕見廣西園

元嘉二十六年五月戊寅白燕產衡陽王墓亭

郎中令朱曠之獲以聞未白燕巢后封西園

元嘉二十七年五月甲戌白燕產京口南徐州

刺史始興王濬以聞具貢劄南交州陳史黃劄

元嘉二十七年六月壬辰白燕見秣陵丹陽尹

徐湛之以獻壬子白燕巢南平縣城內內史

孝武帝大明二年五月乙巳白燕產南郡江陵

民家荆州刺史朱修之以獻並縣南斜州陳史

大明二年五月甲子白燕二產山陽縣舍南苑

州刺史竟陵王誕以獻

大明二年六月甲戌白燕產吳郡城內太守王

翼之以獻

大明三年五月甲申白燕產武陵臨沅民家郢

州刺史孔靈符以聞香燕巢於合四園出

大明四年六月乙卯白燕見平昌青州刺史劉

道隆以獻

明帝太始二年六月白燕見零陵獲以獻

金車王者至孝則出闕燕良參刻於以燠
三足鳥王者慈孝天地則至

漢章帝元和中三足鳥見郡國昌青州陳史際
象車者山之精也王者德澤流洽四境則出闕

白鳥王者宗廟肅敬則至至五刻調六月宋准
漢桓帝永壽元年四月白鳥見商國

晉武帝咸寧五年七月戊辰白鳥見濟南隰太
守獲以獻刻于

晉武帝太康元年五月庚午白鳥見襄合南交
太康十年五月丁丑白鳥見京兆長安

晉惠帝元康元年四月白鳥見河南成臯縣令
劉機獲以聞

元康元年五月戊戌白鳥見梁國睢陽刻大下
元康元年七月辛丑白鳥見陳留獲以獻

元康四年十月白鳥見鄱陽白鳥見吳洛婁
晉明帝泰寧二年十月白鳥見京都刻以爲

泰寧三年三月白鳥見吳郡海虞獲以獻羣官
畢賀刻帝太六十一

萬曆三十二年刊
宋書志卷十九

晉孝武帝太元十一年八月乙酉白鳥集江州
寺庭羣鳥翔衛白鳥見吳郡獲以獻
太元二十一年五月癸卯白鳥見吳國獲以獻
宋武帝永初二年六月丁酉白鳥見吳郡婁縣
太守孟顛以獻
文帝元嘉二年十一月丙辰白鳥見山陽太守
阮寶以聞
元嘉三年三月甲戌丹陽湖執薛爽之獲白鳥
以獻

元嘉十一年六月乙巳吳郡海鹽王說獲白鳥
揚州刺史彭城王義康以獻

元嘉十三年三月戊辰義興陽羨令獲白鳥太
守劉禎以獻

元嘉十九年五月海陵王文秀獲白鳥南兖州
刺史臨川王義慶以獻

元嘉十九年十月白鳥產晉陵暨陽僑民彭城
劉原秀宅樹原秀以聞

元嘉二十年七月彭城劉原秀又獲白鳥以獻

元嘉二十四年八月乙巳白鳥見晉陵南徐州
刺史廣陵王誕以獻

孝武帝大明元年四月甲申白鳥見南郡江陵
明帝太始二年六月丁巳白鳥見吳郡海鹽太
守顧覲之以獻

太始二年九月壬寅白鳥見吳興烏程太守郗
顥以獻

白雀者王者爵祿均則至
漢章帝元和初白雀見郡國

魏文帝初郡國十九言白雀見

晉武帝咸寧元年白雀見梁國梁王彤獲以獻
晉武帝太康二年六月丁卯白雀二見河內南
陽太守阮佃獲以獻

太康二年六月白雀二見河南河南尹向雄獲
以獻

太康七年七月庚午白雀見豫章

太康八年八月白雀見河南洛陽

太康十年五月丁亥白雀見宣光北門華林園

令孫邵獲以獻

晉愍帝建武元年四月尚書僕射刁協獻白雀

於晉王

晉孝武帝太康十六年十二月白雀見南海增

城縣民吳比屋

晉安帝隆安五年十一月白雀見宜都

晉安帝元興三年六月丙申白雀見豫章新淦

獲以獻

宋文帝元嘉元年七月己巳白雀見齊郡昌國

元嘉四年七月乙酉白雀見北海劇

元嘉八年五月辛丑白雀集左衛府

元嘉十一年五月丁丑齊郡西安宗顯獲白雀

青州刺史段宏以獻

元嘉十四年五月甲午白雀集費縣員外散騎

侍郎顏敬家獲以獻

元嘉十四年白雀二見荊州府客館

元嘉十五年五月辛未白雀集建康都亭里揚

州刺史彭城王義康以聞

元嘉十五年六月白雀見建康定陰里彭城王
義康以獻

元嘉十五年八月白雀見西陽江州刺史南譙
王義宣以獻

元嘉十七年五月壬寅白雀二集荊州後園刺
史衡陽王義季以聞

元嘉十八年七月吳郡鹽官于玄獲白雀太守
劉禎以獻

元嘉二十年五月乙卯秣陵衛騎之獲白雀丹
陽尹徐湛之以獻

元嘉二十二年四月丙子白雀見東安郡徐州
刺史臧質以獻

元嘉二十二年閏五月丙午白雀見華林園員
外散騎侍郎長沙王瑾獲以獻

元嘉二十二年六月庚申南彭城蕃縣時佛護
獲白雀以獻

元嘉二十四年四月白雀產吳郡鹽官民家太
守劉禎以獻

元嘉二十四年六月己亥白雀五集長沙廟長沙宛瑾以聞平四日白雀五吳郡觀宮丹表太吏黃公歡軍人丁田夫各獲以獻香洲報謝元嘉二十七年六月乙卯白雀見濟南郡薛榮以獻

元嘉二十八年八月己巳崇義軍人獲白雀一雙太子左率王錫以獻

元嘉二十九年四月癸丑白雀見會稽山陰太守東海王禕獲以獻

孝武帝孝建元年五月己亥臨沂縣魯尚期於城上得白雀太傅假黃鉞江夏王義恭以獻

孝建二年六月丙子左衛軍獲白雀以獻

孝建三年閏三月辛酉黃門侍郎庾徽之家獲白雀以獻

孝建三年五月丁卯白雀見建康獲以獻

孝武帝大明元年四月戊申白雀見尋陽

大明元年五月甲寅白雀二見渤海獲以獻

大明元年五月甲子白雀見建康獲以獻

大明元年六月丁亥白雀見零陵祁陽獲以獻

大明元年七月辛亥白雀見南陽宛獲以獻

大明二年五月丁未白雀見建康揚州刺史西

陽王子尚以獻

大明二年六月丁亥白雀見河東定襄縣荊州

刺史朱脩之以聞

大明三年四月庚戌白雀見秣陵丹陽尹劉秀

之以獻

大明三年五月壬午大宰府宗執軍人獲白雀

太宰江夏王義恭以獻

大明四年五月辛巳白雀見廣陵侍中顏師伯

以獻

大明五年四月庚戌白雀見晉陵太守沈文叔

以獻

大明五年五月白雀見尋陽江州刺史桂陽王

休範以獻

大明五年五月癸未白雀二見尋陽江州刺史

桂陽王休範以獻未白雀二見齊明帝陳史

大明五年五月癸未白雀二見濟南青州刺史

劉道隆以獻凡白雀具齊明帝陳史

大明五年十月白雀見太原青州刺史劉道隆

以獻正平四月庚戌白雀具晉刻太中成文賦

大明六年八月辛巳白雀見齊郡青冀二州刺

史劉道隆以獻正平白雀具齊明帝陳史

大明七年四月乙未白雀集廬陵王第廬陵王

敬先以獻正平白雀具齊明帝陳史

大明七年四月乙丑白雀見歷陽太守建平王

景素以獻正平白雀具齊明帝陳史

大明七年五月辛未白雀見汝陰豫州刺史垣

護之以獻正平白雀具齊明帝陳史

大明七年六月白雀見寶成南豫州刺史尋陽

王子房以獻正平白雀具齊明帝陳史

大明七年十月丁卯白雀見建康丹陽尹永嘉

王子仁以獻正平白雀具齊明帝陳史

大明七年十一月車駕南巡隸水師於梁山中

江白雀二集華蓋車黠南巡歸本明公采山中
前廢帝永光元年四月乙亥白雀見會稽東揚
州刺史尋陽王子房以獻良數東長翅兵永嘉
永光元年六月丙子白雀見彭城徐州刺史義
陽王昶以聞良白雀良寶丸南齊州刺史壽期
明帝太始二年七月戊子白雀見虎檻洲都督
征討諸軍建安王休仁以聞
太始六年七月壬午白雀二見廬陵吉陽內史
江攷以聞四良五白雀良聖期太平數平王
明帝大豫元年六月辛丑白雀見廣州刺史孫
超以獻

後廢帝元徽五年四月己巳白雀二見尋陽柴
桑江州刺史邵陵王友以獻良大對寺

孝武帝大明六年三月丙午青雀見華林園
明帝太始二年九月庚寅青雀見京城內南徐
州刺史桂陽王休範以獻
玉馬王者精明尊賢者則出闕良

根車者德及山陵則出闕

白鳩成湯時來至

魏文帝黃初初郡國十九言白鳩見

吳孫權赤烏十二年八月癸丑白鳩見章安

晉武帝太始八年五月甲辰白鳩二集太廟南

門議郎董胃獲以獻

晉武帝太康二年七月白鳩見太僕寺

太康四年十二月白鳩見安定臨涇

太康十年正月乙亥白鳩見河南新城

宋文帝元嘉十八年八月庚午會稽山陰商世

寶獲白鳩眼足並赤揚州刺史始興王濬以獻

太子率更令何承天上表曰謹考尋先典稽之

前志王德所覃物以應顯是以玄扈之鳳昭帝

軒之鴻烈艷宮之雀徵姬文之徽祚伏惟陛下

重光嗣服永言祖武洽惠和於地絡燭皇明於

天區故能九服混心萬邦含愛員神降祥方祇

薦格休珍雜沓景瑞畢臻去七月上旬時在昧

日黃暉洞照宇宙開朗徽風協律甘液灑津雖

朱晃瑰瑋於運衡榮光圖靈於河紀蔑以尚茲

臣不量卑情竊慕擊轅有作相杵成謳近又豫
白鳩之觀目翫竒偉心懽盛烈謹獻頌一篇野
思古拙意及庸陋不足以發揮清英敷讚幽旨
瞻前顧後亦各其志謹冒以聞其白鳩頌曰三
極協情五靈會性理感冥符道實玄聖於赫有
皇先天配命朝景升躔八維同映休祥載臻榮
光播慶宇宙照爛日月光華陶山練澤是生柔
嘉回危表粹雖穗合柯翩翩者鳩亦皎其暉理
翮台領揚鮮帝畿
匪德莫歸暮從儀

鳳棲閣廕闡烝哉明后昧旦乾乾惟德之崇其
峻如山惟澤之瞻其潤如淵禮樂四達頌聲遐
宣窮髮納貢九譯導言伊昔唐萌愛逢慶祚余
生旣辰而年之暮提心命耄式歌王度晨晞永
風夕漱甘露思樂靈基不遐有固

元嘉二十四年九月白鳩又見庚戌中領軍沈
演之上表曰臣聞貞裕之美介於盛王休瑞之
臻罔違哲后故鳴鳳表垂衣之化翔鶴徵解網
之仁陛下道德嗣基聖明纘世教清鳥紀治昌

雲宮禮漸同川澤浹末徼天嘉明懿民樂薰風
 星辰以之炳煥日月以之光華神圖祇緯盈觀
 閔序白質黑章充物靈囿應感之符畢臻而因
 心之祥未屬以素鳩自遠毳翰歸飛資性閑淑
 羽貌鮮麗既聞之先說又親覩嘉祥不勝藻抃
 上頌一首辭不稽典分之采章愧不足式昭皇
 慶崇讚盛美蓋率輿誦備之篇末其頌曰有哲
 其儀時惟皓鳩性颺五教名編素丘殷曆方昌
 婉翹來遊漢錄克韡爰降爰休其於顯盛宋獻

慶遐傳聖皇在上道照鴻軒稱施既平孝思永
 言人和於地神豫于天其禮樂孔秩靈物咸昭
 白雀集苞丹鳳棲郊文駟儷跡嘉穎擢苗灼灼
 縞羽從化馴朝其豈伊赴林必周之栩豈伊歸
 義必商之所惟德是依惟仁是處育景陽嶽濯
 姿帝宇其刑曆頒興理感迭通雉飛越常鷺起
 西離烝然戾止實兼斯容壹茲民聽穆是王風其
 玉羊師曠時來至闕
 玉雞王者至孝則至闕

壁流離王者不隱過則至 闕

玉英五常竝脩則見 闕

玄圭水泉流通四海會同則出 闕

漢桓帝永興二年四月允祿勳府吏舍夜壁下有青氣得玉鉤玦各一鉤長七寸三分玦周五寸四分身中皆雕鏤

晉懷帝永嘉六年二月壬子玉龜出灞水

晉愍帝建興二年十月大將軍劉琨掘地得玉璽使參軍郎碩奉之歸于京師

建興二年十二月涼州刺史張寔遣使獻行璽一紐封送璽使關內侯

晉愍帝建武元年三月巳酉丹陽江寧民虞由墾土得白麒麟璽一紐文曰長壽萬年獻晉王
晉成帝咸康八年九月廬江春穀縣留珪夜見門內有炆取得玉鼎一枚外圍四寸豫州刺史路永以獻著作郎曹毗上玉鼎頌

晉安帝義熙十二年六月左衛兵陳陽於東府前淮水中得玉璽一枚

宋孝武帝大明元年五月戊寅江乘縣民朱伯
地中得玉璧徑五寸八分以獻

大明四年二月乙巳徐州刺史劉道隆於汴水
得白玉戟以獻

明帝泰始五年十月庚辰郢州獲玄璧廣八寸
五分安西將軍蔡興宗以獻

後廢帝元徽四年十一月乙巳吳興烏程余山
道人慧獲蒼玉璧太守蕭惠開以獻

金勝國平盜賊四夷賓服則出
晉穆帝永和元年二月春穀民得金勝一枚長
五寸狀如織勝明年桓温平蜀

永和元年三月廬江太守路永上言於春穀城
北見水岸邊有紫赤炆取得金狀如印遣主簿

李邁表送
吳孫皓天璽元年吳郡言掘地得銀一長尺廣

三分刻上有年月字
丹甌五穀豐孰則出

白魚武王度孟津中流入于王舟林天微白

宋明帝太始二年十月己巳幸華林天淵池白魚躍入御舟

漢章帝元和三年正月車駕北巡以太牢具祠北岳有神魚躍出十數

金人王者有盛德則游後池闕木連理王者德澤純洽八方合為一則生

漢章帝元和中木連理生郡國言於春燥安帝元初三年正月丁丑東平陵樹連理

漢安帝延光三年七月左馮翊衙有木連理言延光三年七月潁川定陵有木連理

漢桓帝建和二年七月河東有木連理永平吳孫權黃武四年六月皖口言有木連理

魏文帝黃初初郡國二言木連理晉武帝泰始元年十二月木連理生遼東方城

泰始二年八月木連理生河南成臯得泰始八年正月木連理生東平范

泰始八年五月甲辰木連理生東平壽張泰始八年十月木連理生建寧主

晉武帝咸寧元年正月木連理生汝陰南頓

咸寧二年四月木連理生清河靈平壽張

咸寧二年六月木連理生燕國

咸寧三年七月壬辰木連理生始平鄠

咸寧四年八月木連理生陳留長垣

咸寧五年木連理生義陽

咸寧五年木連理生樂安臨濟

晉武帝太康元年正月木連理生涪陵永平

太康元年四月木連理生頓丘

太康元年五月木連理二生濟陰乘氏沛國

太康元年七月木連理生馮翊栗邑

太康二年正月木連理生滎陽密

太康二年十月木連理十三生南安源道

太康三年四月木連理生琅邪華

太康三年六月木連理生廣陵海西

太康四年正月木連理生馮翊臨晉蜀郡成都

太康四年十二月木連理生扶風昌

太康七年三月木連理生河南新安

太康七年六月木連理生始興中宿南鄉范陽

太康八年四月木連理生廬陵東昌

太康八年九月木連理生東萊廬鄉

太康九年九月木連理生陳留浚儀

太康十年十一月木連理生鄱陽鄒鄉

晉武帝太熙元年二月木連理生河南梁

晉惠帝元康元年五月木連理三生成都臨邛

元康元年七月辛丑梁國內史任式上言武平

界有柞櫟二樹合為一體連理

晉愍帝建興二年三月庚辰木連理生朱提

建興二年三月木連理二生寧州雙栢

建興二年六月木連理生襄平

晉愍帝建武元年閏月乙丑木連理生嵩山

建武元年八月甲午木連理生汝陰

建武元年十一月木連理生武昌大將軍王敦

以聞晉王十一月木連理生武昌

建武元年十一月癸酉木連理生汝陰太守以

聞示帝太興元年十一月木連理生武昌大

晉元帝太興元年七月戊辰木連理生武昌大將軍王敦以聞凡葵酉木敷野土火創太守以太興三年十一月木連理生零陵永昌

晉成帝咸和八年五月巳巳木連理生昌黎咸和五年平八日甲子木敷野土火創

咸康三年三月庚戌木連理生平州世子府治故園中

咸康七年十二月吳國內史王恬上言木連理生吳縣沙里

晉穆帝永和五年二月癸丑臨海太守藍田侯述言郡界木連理

晉孝武帝寧康三年六月辛卯江寧縣建興里僑民留康家樹異本連理

晉孝武帝太元十一年四月壬申琅邪費有榆木異根連理相去四尺九寸

太元十八年十月戊午臨川東興令惠欣之言縣東南溪傍有白銀樹芳靈樹李樹竝連理

太元十九年正月丁亥華林園延賢堂西北李

樹連理 太平五年丁亥華林園與寶堂西北李

太元二十一年正月丙子木連理生南康寧都

縣社後 太平十八年九月平臨川東興今惠州之

晉安帝隆安三年十一月木連理生汝陽太守

垣苗以聞 太平十四年四月壬申與平費氏餘

元興元年正月木連理生泰山武陽

宋文帝元嘉八年四月乙亥東莞莒縣松樹連

理太守劉玄以聞

元嘉八年八月木連理生東安新泰縣 溫田

元嘉九年六月木連理生管陽冷道太守展禽

以聞

元嘉十二年二月丁卯南郡江陵庾和園其樹

連理荆州刺史臨川王義慶以獻

元嘉十二年三月馬頭濟陽柞樹連理豫州刺

史長沙王義欣以聞

元嘉十四年二月宮內螽斯堂前梨樹連理豫

州刺史長沙王義欣以聞

元嘉十四年南郡江陵允禕之園其李二連理

元嘉十五年二月太子家令劉徵園中林檎樹
連理徵以聞

元嘉十七年七月武昌崇讓鄉程僧愛家候風
木連理江州刺史臨川王義慶以聞

元嘉十七年十月尋陽弘農祐幾湖芙蓉連理
臨川王義慶以聞

元嘉十八年十二月木連理生歷陽劉成之家
南豫州刺史武陵王諱以聞

元嘉二十年七月時眙考城縣柞樹二株連理
南兖州刺史臨川王義慶以聞

元嘉二十年八月木連理生汝陰豫州刺史劉
遵考以聞

元嘉二十一年木連理生歷陽烏江南豫州刺
史武陵王諱以聞

元嘉二十一年木連理生晉陵無錫南徐州刺
史南譙王義宣以聞

元嘉二十二年七月辛巳南頓櫟連理豫州刺
史趙伯符以聞

元嘉二十二年九月木連理生建康建康令張
永以聞

元嘉二十二年木連理生武昌江州刺史廬陵
王紹以聞

元嘉二十三年二月辛亥木連理生南陰柔縣
太守以聞

元嘉二十三年木連理生淮南當塗揚州刺史
始興王濬以聞

元嘉二十四年二月壬午臨川王第梨樹連理
臨川王燁以聞

元嘉二十四年七月壬子晉陵無錫穀櫟樹連
理南徐州刺史廣陵王誕以聞

元嘉二十四年七月乙卯木連理生會稽諸暨
揚州刺史始興王濬以聞會稽太守羊玄保上
改連理所生處康亭村爲木連理

元嘉二十四年七月乙卯臨川王第梨樹連理
臨川王燁以聞

元嘉二十五年四月戊辰木連理生晉陵南徐

州刺史廣陵王誕以聞

元嘉二十八年正月戊子木連理生尋陽柴桑

又生州城內江州刺史建平王宏以聞

元嘉二十九年十月丁未木連理生南琅邪太

守劉成以聞

孝武帝孝建二年三月巳酉木連理生南郡江

陵荊州刺史朱脩之以聞

孝建三年五月木連理生北海都昌冀州刺史

垣護之以聞

孝建三年七月癸未木連理生歷陽歷陽太守

袁敞以聞

孝武帝大明元年正月乙亥木連理生高平

大明元年二月壬寅華林園雙橋樹連理

大明元年九月乙丑華林園梨樹連理

大明元年十月丁丑朔木連理生豫章南昌

大明二年四月辛丑木連理生汝南豫州刺史

宗慤以聞

大明三年九月甲午木連理生丹陽秣陵材官

將軍范悅時以聞

大明四年三月丁亥木連理生華林園曜靈殿

北門西平四月辛丑木連理生華林園日觀臺

大明四年四月壬子木連理生華林園日觀臺

北門西平四月辛丑木連理生華林園日觀臺

大明四年六月戊戌木連理生會稽山陰揚州

刺史西陽王子尚以聞

大明五年閏九月木連理生邊城豫州刺史垣

護之以聞

大明五年十二月戊寅淮南松木連理豫州刺

史尋陽王子房以聞

大明六年二月乙丑木連理生晉陵南徐州刺

史新安王子鸞以聞

大明六年四月戊辰木連理生營陽湘州刺史

建安王休仁以聞

大明六年八月乙丑木連理生彭城城內徐州

刺史王玄謨以聞

大明七年正月巳酉珊瑚連理生鬱林始安太

萬曆二十二年刊

守劉劬以聞

明帝泰始二年七月木連理生丹陽秣陵

泰始四年三月庚戌太子西池冬生樹連理園

丞周獫狁以獻

泰始六年四月景午木連理生會稽永興太守

蔡興宗以聞

泰始六年十二月壬辰木連理生豫章南昌太

守劉愔之以聞

泰始七年二月戊寅木連理生吳郡錢唐太守

王延之以聞

昇明二年木連理生豫州界內史劉懷珍以聞

比目魚王者德及幽隱則見

珊瑚鈎王者恭信則見

芝草王者慈仁則生食之令人度世

漢武帝元封二年甘泉宮內產芝九莖連葉

漢宣帝元康四年金芝九莖產于函德殿銅池

中

漢明帝永平十七年春芝生前殿

漢明帝建和元年四月芝草生中黃藏府

宋順帝昇明二年宣城山中生紫芝一株在所

獲以獻

明月珠王者不盡介鱗之物則出

漢高后景帝時會稽人朱仲獻三寸四寸珠

漢章帝元和中郡國獻明珠

巨鬯三禺之禾一稔二米王者宗廟脩則出

黃帝時南夷乘白鹿來獻鬯

漢章帝元和中秬秠生郡國

華平其枝正平王者有德則生德剛則仰德弱

則低

漢章帝元和中華平生郡國

平露如蓋以察四方之政其國不平則隨方而

傾

莫莢一名歷莢夾階而生一日生一葉從朔而

生望而止十六日日落一葉若月小則一葉萎

而不落堯時生階

蓬甫一名倚扇狀如蓬大枝葉小根根如絲轉

而成風殺蠅堯時生於厨

闕

朱草草之精也世有聖人之德則生

漢光武建武元年五月京師有赤草生水涯

魏文帝初朱草生文昌殿側

漢章帝元和中朱草生郡國

宋文帝元嘉十一年朱草生蜀郡郫縣王之家

益州刺史甄法崇以聞

景星大星也狀如半月於晦朔助月為明

闕

賓連闊達生於房室王者御后妃有節則生

渠搜禹時來獻裘

闕

浪井不鑿自成王者清靜則應

闕

西王母舜時來獻白環白琯

闕

越裳周公時來獻白雉象牙

闕

漢平帝元始元年正月越常重譯獻白雉一黑

雉二詔三公薦宗廟

漢光武建元十三年九月南越獻白雉

漢章帝元和中白雉見郡國

漢桓帝永康元年十一月白雉見西河

漢獻帝延康元年四月丁巳饒安縣言白雉見
又郡國十九言白雉見

晉武帝咸寧元年四月丁巳白雉見安豐松滋
咸寧元年十二月丙午白雉見梁國睢陽梁王
彤獲以獻

咸寧三年十一月白雉見渤海饒安相阮溫獲
以獻

晉武帝太康元年庚戌白雉見中山

晉愍帝建興三年十二月戊午白雉見襄平

建興三年十二月戊午白雉見

安帝義熙七年五月白雉見豫章南昌

宋文帝元嘉五年五月庚辰白雉見東莞莒縣

太守劉玄以聞

元嘉十六年二月白雉見陳郡豫州刺史長沙

王義欣以獻

元嘉十八年二月癸亥白雉見南汝陰宋縣太

守文道恩以獻

元嘉二十年六月白雉見高平方與縣徐州刺

史臧質以獻六月白雉見高平丈與潯翁陳
元嘉二十六年三月戊寅白雉見東安沛郡各

一徐兗二州刺史武陵王獲以獻六月劉宋潯太

孝武帝大明二年三月己巳白雉雌雄各一見

海陵南兖州刺史竟陵王誕以獻六月陳史長少

大明五年十二月白雉見秦郡南兖州刺史晉

安王子助以獻十月五日夷狄白雉見東莞莒澤

大明八年二月丁卯白雉見南郡江陵荊州刺

史臨海王子玉以獻十月白雉見

前廢帝永光元年正月丙午白雉見渤海青州

刺史王玄謨以獻

永光元年三月甲午朔白雉見新蔡豫州刺史

劉德願以獻

黃銀紫玉王者不藏金玉則黃銀紫玉光見深

山

宋明帝泰始二年八月於赭圻城南得紫玉一

段圍三尺二寸長一尺厚七尺太宗攻為一爵

以獻武文二廟

萬曆二十二年刊 宋書志卷十九

玉女天賜妾也禮含文嘉曰禹卑宮室盡力溝

洫百穀用成神龍女降關

地球王者不以財爲寶則生珠關

天鹿者純靈之獸也五色光耀洞明王者道備

則至關

角端者日行萬八千里又曉四夷之語明君聖

主在位明達方外幽遠之事則奉書而至關

周印者神獸之名也星宿之變化王者德盛則

至關

飛菟者神馬之名也日行三萬里禹治水勤勞

歷年救民之害天應其德而至關

澤獸黃帝時巡狩至於東濱澤獸出能言達知

萬物之精以戒於民爲時除害賢君明德幽遠

則來關

麇者幽隱之獸也有明王在位則來爲時辟除

災害關

騶裊者神馬也與飛菟同亦各隨其方而至以

明君德也關

萬曆二十二年刊

同心鳥王者德及遐方四夷合同則至闕

跌蹄者后土之獸自能言語王者仁孝於國則

來禹治水而至闕

紫達王者仁義行則見闕

小鳥生大鳥王者土地開闢則至闕

河精者人頭魚身師曠時所受讖也闕

延嬉王者孝道行則至闕

大貝王者不貪財寶則出闕

威蕤王者禮備則生於殿前闕

醴泉水之精也其美王者脩理則出

漢光武建武中元元年五月醴泉出京師及郡

國飲醴泉者痼病皆愈獨眇者蹇者不差

魏文帝初郡國二言醴泉出

宋文帝元嘉十二年衡陽湘鄉醴泉出縣庭荆

州刺史臨川王義慶以聞

孝武帝孝建三年九月甲戌細仗隊省井泉春

夏深不盈尺忽至一丈有五色水清澄醴味汲

引不窮

孝武帝大明二年三月壬子北汝陰樓煩平地

出醴泉豫州刺史宗慤以聞

明帝泰豫元年四月乙酉會稽山陰思義醴泉

出太守蔡興宗以聞

日月揚光日者人君象也人君不假臣下之權

則日月揚光明

芝英者王者親近耆老養有道則生不萎

漢章帝元和中芝英生郡國

碧石者玩好之物棄則至

玉蠶者不汲而滿王者清廉則出

山車者山藏之精也不藏金玉山澤以時通山

海之饒以給天下則山成其車

雞駭犀王者賤難得之物則出

陵出黑丹王者脩至孝則出

神鼎者質文之精也知吉知凶能重能輕不炊

而沸五味自生王者盛德則出

漢武帝元鼎元年五月五日得鼎汾水上

漢明帝永平六年三月廬江太守獻寶鼎出王

雒山

雒或作雒

平六年三月盩厔太守熹寶鼎出至

漢章帝建初七年十月車駕西巡至槐里右扶

風禁上美陽得銅器於岐山似酒尊詔在道晨

夕以為百官熱酒也吠吉吠凶指重指彈不效

漢和帝永元元年竇憲征匈奴於漠北酒泉得

仲山甫鼎容五斗其

吳孫權赤烏十二年六月戊戌寶鼎出臨平湖

又出東部鄗縣金王

吳孫皓寶鼎元年八月在所言得大鼎

晉愍帝建興二年十二月晉陵武進縣民陳龍

在田中得銅鐸五枚

晉成帝咸和元年十月辛卯宣城春穀縣山岸

崩獲石鼎重二斤受斛餘

晉成帝咸康五年豫章南昌民掘地得銅鍾四

枚太守褚裒以獻

晉穆帝升平五年二月乙未南掖門有馬足陷

地得銅鍾一枚

宋文帝元嘉十三年四月辛丑武昌縣章山水

側自開出神鼎江州刺史南譙王義宣以獻
元嘉十九年九月戊申廣陵肥如石梁澗中出
石鍾九口大小行次引列南向南兖州刺史臨
川王義慶以獻

元嘉二十一年十二月新陽獲古鼎於水側有
篆書四十二字雍州刺史蕭思話以獻

元嘉二十二年豫章豫寧縣出銅鍾江州刺史
廣陵王紹以獻

孝武帝孝建三年四月丁亥臨川宜黃縣民田
中得銅鍾七口內史傅徽以獻

孝建三年四月甲辰晉陵延陵得古鍾六口徐
州刺史竟陵王誕以獻

孝武帝大明七年六月江夏蒲圻獲銅路鼓四
面獨足郢州刺史安陸王子綏以獻

明帝泰始四年二月丙申豫章望蔡獲古銅鍾
高一尺七寸圍二尺八寸太守張辯以獻

泰始五年五月壬戌豫章南昌獲古銅鼎容斛
七斗江州刺史王景文以獻

泰始七年六月甲寅義陽郡獲銅鼎受一斛并蓋竝隱起鏤豫州刺史段佻榮以獻

順帝昇明二年九月建寧萬歲山澗中得銅鍾長二尺一寸豫州刺史劉懷珍以獻

漢宣帝元康二年夏神雀集雍

元康三年春神雀集泰山

宣帝元康二年春五色雀以萬數飛過屬縣

元康四年三月神雀五采以萬數飛過集長樂

未央北宮高寢其泉泰時殿元康四年神雀仍

集

漢宣帝五鳳三年正月神雀集京師

漢明帝永平十七年春神雀五色集京師

漢章帝元和中神雀見郡國

宋文帝元嘉二十二年白鵲見新野鄧縣雍州

刺史蕭思話以聞

元嘉二十六年五月癸酉白鵲見建康崇孝里

揚州刺史始興王濬以獻

孝武帝大明七年三月辛巳白鵲見汝南安陽

太守申令孫以獻

晉惠帝永嘉元年五月白鼠見東宮皇太子獲

以獻

宋明帝泰始三年二月壬寅白鼠見樂安青州

刺史沈文秀以獻

漢昭帝始元元年二月黃鵠下建章宮太液池

中興帝永平十一年春新省正對東京臨

漢章帝元和二年正月車駕東巡柴祭岱宗禮

畢黃鵠三十從西南來經祠壇上東北過

漢武帝太初三年二月五日行幸東海獲赤鴈

魏文帝初鑊中生赤魚

孫權時神雀巢朱雀門

孫皓天璽元年臨海郡吏伍曜在海水際得石

樹高三尺餘枝莖紫色詰屈傾靡有光采山海

經所載玉碧樹之類也

晉武帝泰始二年六月壬申白鵠見酒泉延壽

延壽長王音以獻

晉成帝咸和九年五月癸酉白鵠見吳國錢塘

內史虞潭以獻

安帝義熙元年南康雩都高山有金雞青黃色

飛集巖間

宋文帝元嘉二十二年湘州刺史南平王鑠獻

赤鸚鵡

孝武帝大明三年正月丙申嬰皇國獻赤白鸚

鵡各一

宋文帝元嘉二十四年十月甲午揚州刺史始

興王濬獻白鸚鵡

孝武帝大明五年正月丙子交州刺史垣閔獻

白孔雀

明帝泰始三年五月乙亥白鳩鵠見京兆雒州

刺史巴陵王休若以獻

漢桓帝延熹九年四月濟陰東郡濟北平原河

水清

宋文帝元嘉二十四年二月戊戌河濟俱清龍

驤將軍青冀二州刺史杜坦以聞

文帝元嘉二十五年五月征北長史廣陵太守

范邈上言所領輿縣前有大浦控引潮流水常
淤濁自比以來源流清潔纖鱗呈形古老相傳
以為休瑞

孝武帝孝建三年九月濟河清冀州刺史垣護
之以聞

孝武帝大明五年九月庚戌河濟俱清平原太
守申纂以聞

明帝泰始元年二月丙寅揚淮水清潔有異於
常州治中從

史張緒以聞
漢光武建武初野繭穀充給百姓其後耕蠶稍
廣二事漸息

吳孫權黃龍二年夏野蠶繭大如卵
宋文帝元嘉十六年宣城宛陵廣野蠶成繭大

如雉卵彌漫林谷年年轉盛
宣城宛陵縣石亭

孝武帝大明三年五月癸
宣城宛陵縣石亭
山生野蠶三百餘里太守
拜以聞

孝武帝大明三年十一月
巴肅慎氏獻楛矢
石碣高麗國譯而至

大明五年正月戊午元日花雪降殿庭時右衛將軍謝莊下殿雪集衣還白上以爲瑞於是公卿竝作花雪詩史臣按詩云先集爲霰韓詩曰霰英也花葉謂之英離騷云秋菊之落英左思云落英飄颻是也然則霰爲花雪矣草木花多五出花雪獨六出

明帝泰始二年五月甲寅赭中獲石栢長三尺二寸廣三尺五寸揚州刺史建安王休仁以獻泰始三年十一月乙卯盱眙獲石栢寧朔將軍段榮以獻漢和帝在位十七年郡國言瑞應八十餘品帝讓而不宣

大月... 難而不... 業味帝... 明榮...

志第二十

宋書三十

臣沈約新撰

五行一

昔八卦兆而天人之理著九疇序而帝王之應明雖可以知從德獲自天之祐違道陷神聽之臯然未詳舉徵效備考幽明雖時剋鼎雉庭穀之異然而未究者衆矣至於鑑悟後王多有所闕故仲尼作春秋具書祥眚以驗行事是則九疇陳其義於前春秋列其效於後也逮至伏生

荆紀大傳五行之體始詳劉向廣演鴻範休咎
之文益備故班固斟酌經傳詳紀條流誠以一
王之典不可獨闕故也夫天道雖無聲無臭然
而應若影響天人之驗理不可誣司馬彪纂集
光武以來以究漢事王沈魏書志篇闕凡厥災
異但編帝紀而已自黃初以降二百餘年覽其
災妖以考之事常若重規沓矩不謬前說又高
堂隆郭景純等據經立辭終皆顯應闕而不序
史體將虧今自司馬彪以後皆撰次論序斯亦
班固遠采春秋舉遠明近之例也又按言之不
從有介蟲之孽劉歆以爲毛蟲視之不明有羸
蟲之孽劉歆以爲羽蟲按月令夏蟲羽秋蟲毛
宜如歆說是以舊史從之五行精微非末學所
究凡已經前議者並卽其言以釋之未有舊說
者推準事理以俟來哲

五行傳曰田獵不宿飲食不享出入不節奪民
農時及有姦謀則木不曲直謂木失其性而爲
災也又曰鬼之不恭是謂不肅厥咎狂厥罰恒

雨厥極惡時則有服妖時則有龜孽時則有雞
禍時則有下體生上之病時則有青眚青祥惟
金沴木班固曰蓋工匠爲輪矢者多傷敗及木
爲變怪皆爲不曲直也

木不曲直

魏文帝黃初六年正月雨木冰按劉歆說木不
曲直也劉向曰冰者陰之盛木者少陽貴臣象
也此人將有害則陰氣脅木木先寒故得雨而
冰也是年六月利成郡兵蔡方等殺太守徐質

據郡反多所脅略并聚亡命遣二校尉與青州
刺史共討平之太守古之諸侯貴臣有害之應
也一說以木冰爲甲兵之象是歲旣討蔡方又
八月天子自將以舟師征吳戎卒十餘萬連旂
數百里臨江觀兵

晉元帝太興三年二月辛未雨木冰後二年周
顛戴淵刁協劉隗皆遇害與春秋同事是其應
也一曰是後王敦攻京師又其象也

晉穆帝永和八年正月乙巳雨木冰是年殷浩

北伐明年軍敗十年廢黜又曰荀羨殷浩北伐桓溫入關之象也

晉孝武帝太元十四年十二月乙巳兩木冰明年二月王恭爲北蕃八月庾楷爲西蕃九月王國寶爲中書令尋加領軍將軍十七年殷仲堪爲荊州雖邪正異規而終同摧滅是其應也一曰苻堅雖敗關河未一丁零鮮卑侵略司兗竇揚勝扇逼梁雖兵後不已又其象也

吳孫亮建興二年諸葛恪征淮南行後所坐廳事棟中折恪妄興徵役奪民農時作爲邪謀傷國財力故木失其性致毀折也及旋師而誅滅於周易又爲棟橈之凶也

晉武帝太康五年五月宣帝廟地陷梁折八年正月太廟殿又陷改作廟築基及泉其年九月遂更營新廟遠致名材雜以銅柱陳騶爲匠作者六萬人十年四月乃成十一月庚寅梁又折按地陷者分離之象梁折者木不曲直也孫盛曰于時後宮殿有孽火又廟梁無故自折先是

宋書志卷二十一
帝多不豫益惡之明年帝崩而王室頻亂遂亡
天下
晉惠帝大安二年成都王穎使陸機率衆向京
師擊長沙王乂軍始引而牙竿折俄而戰敗機
被誅穎奔潰卒賜死初河間王顥謀先誅長
沙廢太子立穎長沙知之誅其黨卞粹等故穎
來伐機又以穎得遐邇心將爲漢之代王遂委
質於穎爲犯從之將此皆姦謀之罰木不曲直
也

王敦在武昌鈴下儀仗生華如蓮華狀五六日
而萎落此木失其性而爲變也于寶曰鈴閣尊
貴者之儀鈴下主威儀之官今狂花生於枯木
又在鈴閣之間言威儀之富榮華之盛皆如狂
花之發不可久也其後終以逆命沒又加戮是
其應也一說此花孽也於周易爲枯楊生華
桓玄始篡龍旂竿折玄田獵出入不絕昏夜飲
食恣麥土木妨農又多姦謀故木失其性也夫
旂所以擬三辰章著明也旂竿之折高明去矣

在位八十日而敗

宋明帝泰始二年五月丙午南琅邪臨沂黃城

山道士盛道度堂屋一柱自然夜光照室內此

木失其性也或云木腐自光

廢帝昇明元年吳興餘杭舍亭禾藪樹生李實

禾藪樹民間所謂胡頹樹

貌不恭

魏文帝居諒闇之始便數出遊獵體貌不重風

尚通脫故戴凌以直諫抵罪鮑勛以迂旨極刑

天下化之咸賤守節此貌之不恭也是以享國

不永後祚短促春秋魯君居喪不哀在感而有

嘉容穆叔謂之不喪後終出奔蓋同事也

魏尚書鄧颺行步施縱筋不束體坐起傾倚若

無手足此貌之不恭也管輅謂之鬼躁鬼躁者

凶終之徵後卒誅死

晉惠帝元康中貴遊子弟相與爲散髮裸身之

飲對弄婢妾逆之者傷好非之者負譏希世之

士恥不與焉蓋胡翟倖中國之萌也豈徒伊川

之民一被髮而祭者乎中國之禮也
晉惠帝元康中賈謐親與數人二宮與儲君遊
戲无降下心又嘗同弈其爭道成都王穎厲色
曰皇太子國之儲貳賈謐何敢無禮謐猶不悛
故及於禍
齊王冏既誅趙倫因留輔政坐拜百官符敕臺
府淫營專驕不一朝覲此狂恣不肅之容也天
下莫不高其功而慮其亡也冏終弗改遂至夷
滅缺

太元中人不復著幘頭頭者元首幘者令髮不
垂助元首為儀飾者也今忽廢之若人君獨立
無輔以至危亡也其後桓玄篡位

舊為屐者齒皆達榻上名曰露卯太元中忽不
徹名曰陰卯其後多陰謀遂致大亂

晉安帝義熙七年晉朝拜授劉毅世子毅以王
命之重當設饗宴親請吏佐臨視至日國僚不
重白默拜於廡中王人將反命毅方知大以為
恨免郎中令劉敬叔官識者怪焉此墮略嘉禮

不肅之妖也

陳郡謝靈運有逸才每出入自扶接者常數人
民間謠曰四人挈衣裙三人捉坐席是也此蓋
不肅之咎後坐誅

宋明帝泰始中幸臣阮佃夫勢傾朝廷室宇豪
麗車服鮮明乘車常偏向一邊違正立執綏之
體時人多慕效此亦貌不恭之失也時偏左之
化行方正之道廢矣

後廢帝常單騎遊遨出入市里營寺未嘗御輦

終以殞滅

恒雨

魏明帝太和元年秋數大雨多暴雷電非常至
殺鳥雀案楊阜上疏此恒雨之罰也時帝居喪
不哀出入弋獵無度奢侈繁興奪民農時故水
失其性而恒雨爲災也

太和四年八月大雨霖三十餘日伊洛河漢皆
溢歲以凶饑

孫亮太平二年二月甲寅大雨震電乙卯雪大

寒案劉歆說此時當雨而不當大大雨恒雨之
罰也於始震電之明日而雪大寒又恒寒之罰
也劉向以爲既已震雷則雪不當復降皆失時
之異也天戒若曰爲君失時賊臣將起先震雷
而後雪者陰見間隙起而勝陽逆殺之禍將及
也亮不悟尋見廢此與春秋魯隱同也

晉武帝泰始六年六月大雨霖甲辰河洛沁水
同時並溢流四千九百餘家殺二百餘人沒秋
稼千三百六十餘頃晉武太康五年七月任城

梁國暴雨害豆麥太康五年九月南安霖雨暴
雪折樹木害秋稼魏郡淮南平原雨水傷秋稼
是秋魏郡西平郡九縣霖雨暴水霜傷秋稼

晉惠帝永寧元年十月義陽南陽東海霖雨淹
害秋麥欽定四庫全書二平六月京邑雨水

晉成帝咸康元年八月乙丑荊州之長沙攸醴
陵武陵之龍陽三縣雨水浮漂屋室殺人傷損

秋稼

宋文帝元嘉二十一年六月京邑連雨百餘日

大水

孝武帝大明元年正月京邑雨水

大明五年七月京邑雨水

大明八年八月京邑雨水

明帝太始二年六月京邑雨水

順帝昇明三年四月乙亥吳郡桐廬縣暴風雷

電揚砂折木水平地二丈流漂居民

服妖

魏武帝以天下凶荒資財乏匱始擬古皮弁裁

縑帛爲白帟以易舊服傅玄曰白乃軍容非國容也干寶以爲縞素凶喪之象帟毀辱之言也蓋革代之後攻殺之妖也初爲白帟橫縫其前以別後名之曰顏俗傳行之至晉永嘉之間稍去其縫名無顏帟而婦人束髮其緩彌甚紛之堅不能自立髮被于額目出而已無顏者愧之言也覆額者慙之貌其緩彌甚言天下忘禮與義放縱情性及其終極至乎大恥也永嘉之後二帝不反天下媿焉魏明帝著繡帽被縹統半

袖嘗以見直臣楊阜阜諫曰此於禮何法服邪
帝默然近服妖也縹非禮之色褻服不貳今之
人主親御非法之章所謂自作孽不可禳也帝
既不享永年身沒而祿去王室後嗣不終遂亡
天下
魏明帝景初元年發銅鑄爲巨人二號曰翁仲
置之司馬門外案古長人見爲國亡長狄見臨
洮爲秦亡之禍始皇不悟反以爲嘉祥鑄銅人
以象之魏法亡國之器而於義竟無取焉蓋服

妖也

魏尚書何晏好服婦人之服傅玄曰此服妖也
夫衣裳之制所以定上下殊內外也大雅云玄
袞赤鳥鉤膺鏤錫歌其文也小雅云有嚴有翼
共武之服詠其武也若內外不殊王制失敘服
妖旣作身隨之亡妹喜冠男子之冠桀亡天下
何晏服婦人之服亦亡其家其咎均也
吳婦人之脩容者急束其髮而劓角過于耳蓋
其俗自操束大急而廉隅失中之謂也故吳之

風俗相驅以急言論彈射以刻薄相尚居三年之喪者往往有致毀以死諸葛患之著正交論雖不可以經訓整亂蓋亦救時之作也孫休後衣服之制上長下短又積領五六而裳居一二干寶曰上饒奢下儉逼上有餘下不足之妖也至孫皓果奢暴恣情於上而百姓彫困於下卒以亡國是其應也

晉興後衣服上儉下豐著衣者皆厭褻蓋褻君衰弱臣放縱下掩上之象也陵遲至元康末婦人出兩襜加乎脛之上此內出外也爲車乘者苟貴輕細又數變易其形皆以白蔑爲純古喪車之遺象乘者君子之器蓋君子立心無恒事不崇實也干寶曰及晉之禍天子失柄權制寵臣下掩上之應也永嘉末六宮才人流徙戎翟內出外之應也及天下亂擾宰輔方伯多負其任又數改易不崇實之應也

晉武帝泰始後中國相尚用胡牀豹盤及爲羌煮貊炙貴人富室必置其器吉享嘉會皆此爲

先太康中天下又以氈爲紉頭及絡帶衿口百姓相戲曰中國必爲胡所破也氈產於胡而天下以爲紉頭帶身衿口胡旣三制之矣能无敗乎于寶曰元康中氏羌反至于永嘉劉淵石勒遂有中都自後四夷迭據華土是其應也

晉武帝太康後天下爲家者移婦人於東方空萊北庭以爲園囿于寶曰夫王朝南向正陽也后北宮位太陰也世子居東宮位少陽也今居內於東是與外俱南面也亢陽无陰婦人失位

而于少陽之象也賈后讒戮愍懷俄而禍敗亦及

昔初作履者婦人員頭男子方頭員者順從之義所以別男女也晉太康初婦人皆履方頭此去其員從與男無別也

太康之中天下爲晉世寧之舞手接柸槃反覆之歌曰晉世寧舞柸槃夫樂生人心所以觀事故記曰總于山立武王之事也發揚蹈厲太公之志也武亂皆坐周召之治也又曰其治民勞

者舞行綴遠其治民逸者舞行綴近今接栝槃
於手上而反覆之至危也栝槃者酒食之器也
而名曰晉世寧者言晉世之士偷苟於酒食之
間而其知不及遠晉世之寧猶栝槃之在手也
晉惠帝元康中婦人之飾有五兵佩又以金銀
瑋瑁之屬爲斧鉞戈戟以當笄 干寶曰男女
之別國之大節故服物異等贄幣不同今婦人
而以兵器爲飾又妖之大也遂有賈后之事終
以兵亡天下

元康中婦人結髮者旣成以繒急束其環名曰
纒子紛始自中宮天下化之其後賈后果害太
子

元康中天下始相倣爲鳩杖以拄掖其後稍施
其罍住則植之夫木東方之行金之臣也杖者
扶體之器鳩其頭者尤便用也必傍拄掖者傍
救之象也王室多故而元帝以蕃臣樹德東方
維持天下拄掖之應也至社稷無主海內歸之
遂承天命建都江外獨立之應也

元康末至太安間江淮之域有敗編自聚于道
多者或至四五十量于寶嘗使人散而去之或
投林草或投坑谷明日視之悉復如故民或云
見狸銜而聚之亦未察也寶說曰夫編者人之
賤服最處于下而當勞辱下民之象也敗者疲
斃之象也道者地理四方所以交通王命所由
往來也故今敗編聚于道者象下民罷病將相
聚爲亂絕四方而壅王命之象也在位者莫察
太安中癸壬午兵百姓讐怨江夏男子張昌遂
首亂荆楚從之者如流於是兵革歲起天下因
之遂大破壞此近服妖也

晉孝懷永嘉以來士大夫竟服生箋單衣遠識
者怪之竊指擿曰此則古者總衰之布諸侯大
夫所以服天子也今無故畢服之殆有應乎其
後愍懷晏駕不獲厥所

晉元帝大興以來兵士以絳囊縛紕紕在首莫
上焉周易乾爲首坤爲囊坤臣道也晉金行赤
火色金之賊也以朱囊縛紕臣道上侵之象也

到永昌元年大將軍王敦舉兵內攻六軍散潰
舊爲羽扇柄刻木象其骨形羽用十取全數也
晉中興初王敦南征始改爲長柄下出可捉而
減其羽用八識者尤之曰夫羽扇翼之名也創
爲長柄者執其柄制羽翼也以八改十者將以
未備奪已備也是時爲衣者又上短帶至于掖
著帽者以帶縛項下逼上上無地也下袴者直
幅爲口無殺下大失裁也尋有兵亂三年而再
攻京師晉海西初嗣位迎官忘設豹尾識者以
爲不終之象近服妖也

晉司馬道子於府北園內爲酒鑪列肆使姬人
酤鬻酒肴如禪販者數遊其中身自貿易因醉
寓寢動連日夜漢靈帝嘗若此干寶以爲君將
失位降在阜隸之象也道子卒見廢徙以庶人
終彙直向土鬮之派天餘故自東都流遊其
桓玄篡立殿上施絳綾帳鏤黃金爲顏四角金
龍銜五色羽葆流蘇羣下竊相謂曰頗類輜車
此服妖也

晉末皆冠小冠而衣裳博大風流相倣輿臺成俗識者曰此禪代之象也永初以後冠還大二云宋文帝元嘉六年民間婦人結髮者三分髮抽其髮直向上謂之飛天紛始自東府流被庶民庶時司徒彭城王義康居東府其後卒以陵上徙廢疑禮制日外與帝嘗言此干寶又云

孝武帝世豫州刺史劉德願善御車世祖嘗使之御畫輪幸太宰江夏王義恭第德願挾牛杖催世祖云日暮宜歸又求益僦車世祖甚懽此事與漢靈帝西園蓄私錢同也

孝武世幸臣戴法興權亞人主造員頭履世人莫不効之其時員進之俗大行方格之風盡矣明帝初司徒建安王休仁統軍赭圻制烏紗帽反抽帽裘民間謂之司徒狀京邑翕然相尚休仁後果以疑逼致禍

龜孽帝景初二年致陽秋中百物變為龜不晉惠帝永熙初衛瓘家人炊飯墮地盡化為螺出足起行螺龜類近龜孽也干寶曰螺被甲兵

象也於周易為离离為戈兵明年瓘誅

雞禍帝不默南齊宋人及趙朗此蓋以爲

魏明帝景初二年廷尉府中有雌雞變為雄不

鳴不將于寶曰是歲晉宣帝平遼東百姓始有

與能之議此其象也然晉三后竝以人臣終不

鳴不將又天意也

晉惠帝元康六年陳國有雞生雄雞無翅既大

墜坑而死王隱曰雄胤嗣象坑地事為母象賈

后誣殺愍懷殆其應也

晉惠帝太安中周玘家有雌雞逃承雷中六七

日而下奮翼鳴將獨毛羽不變其後有陳愍之

事愍雖控制江表終無綱紀文章殆其象也卒

為玘所滅雞禍見玘家又天意也

晉元帝太興中王敦鎮武昌有雌雞化為雄天

戒若曰雌化為雄臣陵其上其後王敦再攻京

師為赤地不鳥不泚對有財之車具中其象

晉孝武大元十三年四月廣陵高平閻嵩家雄

雞生無右翅彭城到象之家雞無右足京房易

傳曰君用婦人言則雞生妖

晉安帝隆安元年八月琅邪王道子家青雌雞化爲赤雄不鳴不將後有桓玄之事具如其象隆安四年荊州有雞生角角尋墮落是時桓玄始擅西夏狂慢不肅故有雞禍角兵象尋墮落者暫起不終之妖也

晉安帝元興二年衡陽有雌雞化爲雄八十日而冠萎衡陽桓玄楚國封略也後篡位八十日而敗徐廣以爲玄之象也

宋文帝元嘉十二年華林園雌雞漸化爲雄後孝武卽位皇太后令行于外亦猶漢宣帝時雌雞爲雄至哀帝時元后與政也

明帝泰始中吳興東遷沈法符家雞有四距門無青眚青祥

晉武帝咸寧元年八月丁酉大風折太社樹有青氣出焉此青祥也占曰東莞當有帝者明年元帝生是時帝大父武王封東莞由是徙封琅邪孫盛以爲中興之表晉室之亂武帝子孫無

子遺社樹折之應又恒風之罰也

晉惠帝元康中洛陽南山有蚩作聲曰韓屍屍
識者曰韓氏將死也言屍屍者盡死意也其後
韓謚誅而韓族殲焉此青祥也

金沴木

魏文帝黃初七年正月幸許昌許昌城南門無
故自崩帝心惡之遂不入還洛陽此金沴木木
動也五月宮車晏駕京房易傳曰上下咸悖厥
妖城門壞

晉元帝太興二年六月吳郡米廩無故自壞是
歲大饑死者數千

晉明帝太寧元年周延自歸王敦既立宅宇而
所起五間六架一時躍出墮地餘桁猶亘柱頭
此金沴木也明年五月錢鳳謀亂遂族滅延而
湖孰尋亦爲墟矣

晉安帝元興元年正月丙子司馬元顯將西討
桓玄建牙揚州南門其東者難立良久乃正近
沴妖也尋爲桓玄所禽

元興三年五月樂賢堂壞天意若曰安帝嚚眊不及有樂賢之心故此堂見沴也

晉安帝義熙九年五月乙酉國子聖堂壞

宋文帝元嘉十七年劉斌為吳郡郡堂屋西頭

鴟尾無故落地治之未畢東頭鴟尾復落頃之

斌誅

志第二十一 宋書三十一

志第二十一 宋書三十一

沈 約 新撰

五行二

五行傳曰好戰攻輕百姓飾城郭侵邊境則金

不從革謂金失其性而為災也又曰言之不從

是謂不义厥咎僭厥罰恒暘厥極憂時則有詩

妖時則有介蟲之孽時則有大禍時則有口舌

之病時則有白眚白祥惟木沴金介蟲劉歆傳

以為毛蟲

金不從革

魏世張掖石瑞雖是晉氏之符命而於魏爲妖好攻戰輕百姓飾城郭侵邊境魏氏三祖皆有其事劉歆以爲金石同類石圖發非常之文此不從革之異也晉定大業多敝曹氏石瑞文大討曹之應也

魏明帝青龍中盛脩宮室西取長安金狄承露槃折聲聞數十里金狄泣於是因留霸城此金失其性而爲異也

吳時歷陽縣有巖穿似印咸云石印封發天下太平孫皓天璽元年印發又陽羨山有石穴長十餘丈皓初脩武昌宮有遷都之意是時武昌爲離宮班固云離宮與城郭同占飾城郭之謂也寶鼎三年皓出東關遣丁奉至合肥建衡三年皓又大舉出華里侵邊境之謂也故令金失其性卒面縛而吳亡

晉惠帝永興元年成都伐長沙每夜戈戟鋒有火光如縣燭此輕民命好攻戰金失其性而爲

變也天戒若曰兵猶火也不戢將自焚成都不
悟終以敗亡

晉懷帝永嘉元年項縣有魏豫州刺史賈逵石
碑生金可采此金不從革而為變也五月汲桑
作亂羣寇颺起

晉清河王覃為世子時金鈴忽生起如粟
者康王母疑不祥毀棄之及後為惠帝李不終
于位卒為司馬越所殺

晉元帝永昌元年甘卓將襲王敦既而中止及
還家多變怪照鏡不見其頭此金失其性而為
妖也尋為敦所襲遂夷滅

石虎時鄴城鳳陽門上金鳳皇二頭飛入漳河
晉海西太和中會稽山陰縣起倉鑿地得兩大
船滿中錢錢皆輪文大形時日向莫鑿者馳以
告官官夜遣防守甚嚴至明日失錢所在唯有
船存視其狀悉有錢處

晉安帝義熙初東陽太守殷仲文照鏡不見其
頭尋亦誅翦占與甘同

宋後廢帝元徽四年義熙晉陵二郡並有霹靂
車墜地如青石草木焦死
言之不從

魏齊王嘉平初東郡有譎言云白馬河出妖馬
夜過官牧邊嗚呼衆馬皆應明日見其迹大如
斛行數里還入河楚王彪本封白馬兗州刺史
令狐愚以彪有智勇及聞此言遂與王凌謀共
立之遣人謂曰天下事未可知願王自愛彪荅
曰知厚意事泄凌愚被誅彪賜死此言不從之
罰也詩云民之譎言寧莫之懲

劉禪嗣位譙周引晉穆侯漢靈帝命子事譏之
曰先主諱備其訓具也後主諱禪其訓授也若
言劉已具矣當授與人甚於穆侯靈帝之祥也
蜀果亾此言之不從也

劉備卒劉禪即位未葬亦未踰月而改元爲建
興此言之不從也習鑿齒曰禮國君即位踰年
而後改元者緣臣子之心不忍一年而有二君
也今可謂亟而不知禮矣君子是以知蜀之不

能東遷也後又降晉吳孫亮晉惠帝宋元凶亦
然亮不終其位惠帝號令非已元凶尋誅言不
從也言之不從也皆蓋齒曰甄阿豎曰益
魏太和中姜維歸蜀失其母魏人使其母手書
呼維令反并送當歸以譬之維報書曰良田百
頃不計一畝但見遠志無有當歸維卒不免
魏明帝景初元年有司奏帝爲烈祖與太祖高
祖並爲不毀之廟從之按宗廟之制祖宗之號
皆身沒名成乃正其禮故雖功赫天壤德邁前

王未有豫定之典此蓋言之不從失之甚者也
後二年而宮車晏駕於是統微政逸

吳孫休世烏程民有得困疾及差能以響言者
言於此而聞於彼自其所聽之不覺其聲之大
也自遠聽之如人對言不覺聲之自遠來也聲
之所往隨其所向遠者不過十數里其鄰人有
責息於外歷年不還乃假之使爲責讓懼以禍
福負物者以爲鬼神即傾倒畀之其人亦不自
知所以然也言不從之咎也

魏世起安世殿晉武帝後居之安世武帝字也
晉武帝每延羣臣多說平生常事未嘗及經國
遠圖此言之不從也何曾謂子遵曰國家無貽
厥之謀及身而已後嗣其殆乎此子孫之憂也
自永熙後王室漸亂永嘉中天下大壞及何綏
以非辜被誅皆如曾言
趙王倫廢惠帝於金墉城改號金墉爲永安宮
帝尋復位而倫誅

晉惠帝永興元年詔廢太子覃還爲清河王立
成都王穎爲皇太弟猶加侍中大都督領丞相
備九錫封二十郡如魏王故事案周禮傳國以
胤不以勲故雖公旦之聖不易成王之嗣所以
遠絕覬覦永壹宗祧後代遵履改之則亂今擬
非其實僭差已甚且旣爲國副則不應復開封
土兼領庶職此言之不從進退乖爽故帝旣播
越穎亦不終是其咎也後猶不悟又立懷帝爲
皇太弟懷終流弒不永厥祚又其應也語曰變
古易常不亂則亡此之謂乎

晉惠帝太安中周玘於陽羨起宅始成而邊戶有聲如人嘆咤者玘亡後家誅滅此近言不從也
晉元帝太興四年吳郡民訛言有大蟲在紵中及樗樹上啣人即死晉陵民又言曰見一老女子居市被髮從肆人乞飲自言天帝令我從水門出而我誤由蟲門若還天帝必殺我如何於是百姓共相恐動云死者已十數也西及京諸家有樗紵者伐去之無幾自止

晉元帝永昌元年寧州刺史王遜遣子澄入質將渝濮雜夷數百人京邑民忽訛言寧州人大食人家小兒親有見其蒸煑滿釜甑中者又云失兒皆有主名婦人尋道拊心而哭於是百姓各禁錄小兒不得出門尋又言已得食人之主官當大航頭大杖考竟而日有四五百人晨聚航頭以待觀行刑朝廷之士相問者皆曰信然或言郡縣文書已上王澄大懼檢測之事了無形民家亦未嘗有失小兒者然後知其訛言也

此二事于寶云未之能論

永昌二年大將軍王敦下據姑熟百姓訛言行
蟲病食人大孔數日入腹入腹則死治之有方
當得白犬膽以爲藥自淮泗遂及京都數日之
間百姓驚擾人人皆自云已得蟲病又云始在
外時當燒鐵以灼之於是翕然被燒灼者十七
八矣而白犬暴貴至相請奪其價十倍或有自
云能行燒鐵者賃灼百姓日得五六萬億而後
已四五日漸靜說曰夫裸蟲人類而人爲之主
今云蟲食人言本同臭類而相殘賊也自下而
上明其逆也必入腹者言害由中不由外也犬
有守禦之性白者金色而瞻用武之主也帝王
之運五霸會於戎戍主用兵金者晉行火燒鐵
以治疾者言必去其類而來火與金合德共治
蟲害也案中興之際大將軍本以腹心受伊呂
之任而元帝末年遂攻京邑明帝諒闇又有異
謀是以下逆上腹心內爛也及錢鳳沈充等逆
兵四合而爲王師所挫踰月而不能濟北中郎

將劉遐及淮陵內史蘇峻率淮泗之衆以救朝廷故其謠言首作於淮泗也朝廷卒以弱制強罪人授首是用白犬膽可救之效也
晉海西時庾晞四五年中喜爲挽歌自搖大鈴爲唱使左右齊和又燕會輒令倡妓作新安人歌儻離別之辭其聲悲切時人怪之後亦果敗晉海西公太和以來大家婦女緩鬢傾髻以爲盛飾用髮旣多不恒戴乃先作假髻施於木上呼曰假頭人欲借名曰借頭遂布天下自此以來人士多離事故或亡失頭首或以草木爲之假頭之言此其先兆也

晉孝武泰元中立內殿名曰清暑少時而崩時人曰清暑者反言楚聲也果有哀楚之聲有人曰非此之謂豈可極言乎讖云代晉者楚其在茲乎及桓玄篡逆自號曰楚

泰元中小兒以兩鐵相打於土中名曰鬪族後王國寶王孝伯一姓之中自相攻擊也

桓玄出鎮南州立齋名曰蟠龍後劉毅居此齋

蟠龍毅小字也

桓玄初改年爲大亨遐邇謹言曰二月了故義
謀以仲春發也玄篡立又改年爲建始以與趙
王倫同又易爲永始永始復是王莽受封之年
也始徙司馬道子于安成晉主遜位出永安宮
封晉主爲平固王琅邪王德文爲石陽公竝使
住尋陽城識者皆以爲言不從之妖也厥咎僭
晉興何曾薄大官御膳自取私食子劭又過之
而王愷又過劭王愷羊琇之疇盛致聲色窮珍
極麗至元康中夸恣成俗轉相高尚石崇之侈
遂兼王何而儷人主矣崇既誅死天下尋亦淪
喪僭踰之咎也

恒陽

魏明帝太初二季五月大旱元季以來崇廣宮
府之應也又是春晉宣帝南禽孟達置二郡張
郃西破諸葛亮斃馬謖九陽自大又其應也京
房易傳曰欲德不用茲謂張厥灾荒其旱陰雲
不雨變而赤煙四際衆出過時茲謂廣其旱不

生上下皆蔽茲謂隔其旱天赤三月時有雹殺
飛禽上緣求妃茲謂僭其旱三月大溫亡雲君
高臺府茲謂犯陰侵陽其旱萬物根死數有火
災庶位踰節茲謂僭其旱澤物枯爲火所傷
太和五季三月自去冬十月至此月不雨辛巳
大雩是春諸葛亮寇天水晉宣王距郤之亢陽
動衆又是時三隅分據衆出多過時也春秋說
曰傷二穀謂之不雨

魏齊王正始元季二月自去冬十二月至此月
不雨去歲正月明帝崩二月曹爽白嗣主轉晉
宣王爲太傅外示尊崇內實欲令事先由已是
時宣王功蓋魏朝欲德不用之應也

魏高貴鄉公甘露三季正月自去秋至此月旱
時晉文王圍諸葛誕衆出過時之應也初壽春
秋夏常雨潦常淹城而此旱踰季城陷乃大雨
咸以爲天亾
吳孫亮五鳳二季大旱民饑是歲閏月魏將文
欽以淮南衆數萬口來奔孫峻又破魏將曹珍

于高亭三月朱異襲安豐不克七月城廣陵東海一郡十二月以馮朝爲監軍使者督徐州諸軍軍士怨叛此亢陽自大勞民失衆之罰也其後彌歲故旱亦竟季而北旱饑季始雨大兩吳孫皓寶鼎元年春夏旱是時皓遷都武昌勞民動衆之應也

晉武帝太始七季五月閏月旱大雩是春孫皓出華里大司馬望帥衆次于淮北四月北地胡寇金城西平涼州刺史牽弘出戰敗沒

太始八季五月旱是時帝納荀勗邪說留賈充不復西鎮而任愷稍疏上下皆蔽之應也又李熹魯芝李胤等竝在散職近欲德不用之謂也太始九季自正月旱至於六月祈宗廟社稷山川癸未雨去九月吳西陵督步闡據城來降遣羊祜統揚肇等衆八萬救迎闡十二月陸抗大破肇軍攻闡滅之正月旱大雩文詠山川至太始十季四月旱去季秋冬采擇卿校諸葛沖等女是春五十餘人入殿簡選又取小將吏女

數十人母子號哭於宮中聲聞于外行人悲酸是殆積陰生陽之應也
晉武帝咸寧二年五月旱大雩及社稷山川至六月乃澍雨
晉武帝太康二年自去冬旱至此春平吳亢陽動衆自大之應也

太康三年四月旱乙酉詔司空齊王攸與尚書廷尉河南尹錄訊繫囚事從蠲宥

太康五年六月旱此季正月天陰解而復合劉毅上疏曰必有阿黨之臣姦以事君者當誅而不赦也帝不答是時荀勗馮統僭作威福亂朝尤甚

太康六年三月青涼幽冀郡國旱

太康六年六月齊陰武陵旱傷麥

太康七年夏郡國十三旱

太康八年四月冀州旱

太康九年夏郡國三十三旱

太康九年六月扶風始平京兆安定旱傷麥

太康十年二月旱
晉武帝太熙元年二月旱自太康以後雖正人滿朝不被親仗而賈充荀勗楊駿馮統等迭居要重所以無年不早者欲德不用上下皆蔽庶位踰節之罰也

晉惠帝元康元年七月雒州大旱殞霜疾疫關中飢米斛萬錢

元康七年七月秦氐二州大旱故其年氐羌反叛雍州刺史解系敗績是年正月周處盧播等復敗關西震亂交兵彌歲至是飢疫荐臻戎晉竝困朝廷不能振詔聽相賣鬻

元康七年九月郡國五旱

晉惠帝永寧元年自夏及秋青徐幽并四州旱是年春三王討趙王倫六旬之中大小數十戰死者十餘萬人十二月郡國十二又旱

晉懷帝永嘉二年五月大旱襄平縣梁水淡淵竭河洛江漢皆可涉是年三月司馬越歸京都遣兵入宮收中書令繆播等九人殺之此僭踰

之罰也又四方諸侯多懷無君之心劉淵石勒王彌李雄之徒賊害民命流血成泥又其應也永嘉五年自去冬旱至此春去歲十二月司馬越棄京都以大衆南出多將王公朝士及以行臺自隨斥黜禁衛代以國人宮省蕭然無復君臣之節矣

晉陽秋云愍帝在西京旱傷荐臻無注記年月也

晉愍帝建武元年六月揚州旱去年十二月淳于伯寃死其年即旱而太興元年六月又旱于寶曰殺伯之後旱三年是也案前漢殺孝婦則旱後漢有囚亦旱見謝見理竝獲雨澍此其類也班固曰刑罰妄加羣陰不附則陽氣勝故其罰恒陽

建武元年四月趨允等悉衆禦寇五月祖逖攻譙其冬周訪討杜曾又衆出之應也

晉元帝太興四年五月旱是時王敦彊僭之釁漸著又去歲蔡豹祖逖等竝有征役

晉元帝永昌元年大旱是年三月王敦有石頭之變二宮陵辱大臣誅死僭踰無上故旱尤甚也

永昌元年閏十一月京都大旱川谷竝竭

晉明帝太寧三年自春不雨至于六月去年秋滅王敦亢陽動衆自大之應也

晉成帝咸和元年秋旱是時庾太后臨朝稱制羣臣奏事稱皇太后陛下此婦人專王事言不從而僭踰之罰也與漢鄧太后同事

咸和二年夏旱

咸和五年五月旱去年殄蘇峻之黨此春又討郭默滅之亢陽動衆之應也

咸和六年四月旱去年八月石勒遣郭敬寇襄陽南中郎將周撫奔武昌十月李雄使李壽寇建平建平太守楊謙奔宜都此正月劉徵略婁縣於是起衆警備固

咸和八年七月旱

咸和九年自四月不雨至于八月

晉成帝咸康元年六月旱是時成帝沖弱不親萬機內外之政委之將相此僭踰之罰故連歲旱也至四年王導固讓太傅復子明辟是後不旱殆其應也時天下普旱會稽餘姚特甚米斗直五百民有相鬻

咸康二年三月旱

咸康三年六月旱

晉康帝建元元年五月旱是時宰相專政方伯擅重兵又與咸康初同事也

晉穆帝永和元年五月旱有司奏依董仲舒術徙市開水門遣謁者祭太社是時帝在襁抱褚太后臨朝如明穆太后故事

永和五年七月不雨至于十月是年二月征北將軍褚衷遣軍伐沛納其民以歸六月又遣西中郎將陳達進據壽陽自以舟師二萬至于下邳喪其前驅而還達亦退

永和六年閏月旱是春桓温以大衆出夏漚上疏欲以舟軍北伐朝廷駭之蕭敬盜涪西蠻校

尉采壽敗績

晉穆帝升平三年十二月大旱此冬十月北中
郎將郗曇帥萬餘人出高平經略河兗又遣將
軍諸葛悠以舟軍入河敗績西中郎將謝萬次
下蔡衆潰而歸

升平四年十二月大旱

晉哀帝隆和元年夏旱是時栢温強恣權制朝
廷僭踰之罰也又去年慕容恪圍冀州刺史呂
護桓温出次宛陵范汪袁真竝北伐衆出過時
也

晉海西泰和四年十二月涼州春旱至夏

晉簡文帝咸安二年十月大旱民飢是時嗣主
幼冲桓温陵僭

晉孝武帝寧康元年二月旱是時栢温入覲高
平陵闔朝致拜踰僭之應也

寧康三年冬旱先是氐賊破梁益州刺史楊亮
周仲孫奔退明年威遠將軍栢石虔擊姚萇墊
江破之退至五城益州刺史竺瑤帥衆戍巴東

晉孝武帝太元四年六月大旱去歲氏賊圍南
中郎將朱序於襄陽又圍揚威將軍戴逵於彭
城桓嗣以江州之衆次都援序北府發三州民
配何謙救逵是春襄陽順陽魏興城皆沒賊遂
略淮南向廣陵征虜將軍謝石率水軍次涂中
兗州刺史謝玄督諸將破之

太元八年六月旱夏初桓冲征襄陽遣冠軍將
軍桓石虔進據樊城朝廷又遣宣城內史胡彬
次峽石爲冲聲勢也

太元十年七月旱饑初八年破苻堅九年諸將
略地有事徐豫楊亮趙統攻討巴沔是年正月
謝安又出鎮廣陵使子琰進次彭城

太元十三年六月旱去歲北府遣戍胡陸荊州
經略河南是年郭銓置戍野王又遣軍破黃淮
太元十五年七月旱是春丁零略兗豫鮮卑寇
河上朱序桓不才等北至太行東至滑臺踰時
攻討又戍石門
太元十七年秋旱至冬是時茹千秋爲驃騎咨

議竊弄主相威福又丘尼乳母親黨及婢僕之子階緣近習臨民領衆又在所多上春竟囚不以其辜建康獄吏枉暴尤甚此僭踰不從寬濫之罰也

晉安帝隆安四年五月旱去冬栢玄追殺殷仲堪而朝廷即授以荊州之任司馬元顯又諷百僚悉使敬已此皆陵僭之罰也

隆安五年夏秋大旱十二月不雨去年夏孫恩入會稽殺內史謝琰此年夏略吳又殺內史袁山松軍旅東討衆出過時

晉安帝元興元年七月大饑九月十月不雨是年正月司馬元顯以大衆將討栢玄旣而玄至殺元顯五月又遣東征孫恩餘黨十月北討劉軌

元興二年六月不雨冬又旱是時栢玄奢僭十二月遂篡位

元興三年八月不雨是時王旅四伐西夏未平晉安帝義熙六年九月不雨是時王師北討廣

固疆理三州六年六月不雨秋王師西討劉毅分遣
義熙八年十月不雨是秋王師西討劉毅分遣
伐蜀

義熙十年九月旱十二月又旱井瀆多竭

宋文帝元嘉二年夏旱

元嘉四年秋京都旱

元嘉八年五月揚州諸郡旱

元嘉十九年二十年南兗豫州旱

元嘉二十七年八月不雨至二十八年三月時

索虜南寇

孝武帝大明七年八年東諸郡大旱民飢死者

十六七先是江左以來制度多闕孝武帝立明

堂造五輅是時大發徒衆南巡校獵盛自矜大

故致旱災

後廢帝元徽元年八月京都旱

詩妖

魏明帝太和中京師歌兜鈴曹子其唱曰其柰
汝曹何此詩妖也其後曹爽見誅曹氏遂廢

魏明帝景初中童謠曰阿公阿公駕馬車不意
阿公東渡河阿公東還當柰何及宣王平遼東
歸至白屋當還鎮長安會帝疾篤急召之乃乘
追鋒車東渡河終翦魏室如童謠之言也

魏齊王嘉平中有謠曰白馬素羈西南馳其誰
乘者朱虎騎朱虎者楚王彪小字也王凌令狐
愚聞此謠謀立彪事發凌等伏誅彪賜死

吳孫亮初童謠曰吁汝恪何若若蘆葦單衣篋
鈎絡於何相求楊子閣楊子閣者反語石子墘

也鈎落鈎帶也及諸葛恪死果以葦席裹身篋
束其要投之石子墘後聽恪故吏收斂求之此

墘云

孫亮初公安有白鼉鳴童謠曰白鼉鳴龜背平
南郡城中可長生守死不去義無成南郡城可
長生者有急易以逃也明年諸葛恪敗弟融鎮
公安亦見襲融刮金印龜服之而死鼉有鱗介
甲兵之象又白兵祥也

孫休永安二年將守質子羣聚嬉戲有異小子

忽來言曰三公鋤司馬如又曰我非人熒惑星也言畢上升仰視若曳一匹練有頃沒于寶曰後四年而蜀亡六年而魏廢二十一年而吳平於是九服歸晉魏與吳蜀竝爲戰國三公鋤司馬如之謂也

孫皓初童謠曰寧飲建業水不食武昌魚寧還建業死不止武昌居皓尋遷都武昌民泝流供給咸怨毒焉

孫皓遣使者祭石印山下妖祠使者因以丹書巖曰楚九州渚吳九州都揚州士作天子四世治太平矣皓聞之意益張曰從大皇帝至朕四世太平之主非朕復誰恣虐踰甚尋以降亡近詩妖也

孫皓天紀中童謠曰阿童復阿童銜刀游渡江不畏岸上虎但畏水中龍晉武帝聞之加王濬龍驤將軍及征吳江西衆無過者而王濬先定秣陵

晉武帝太康後江南童謠曰局縮肉數橫目中

國當敗吳當復又曰宮門柱且莫朽吳當復在
三十年後又曰鷄鳴不拊翼吳復不用力于時
吳人皆謂在孫氏子孫故竊發亂者相繼按橫
目者四字自吳亡至晉元帝興幾四十年皆如
童謠之言元帝懦而少斷局縮肉直斥之也于
寶云不知所斥諱之也

太康末京洛始爲折楊柳之歌其曲始有兵革
苦辛之詞終以禽獲斬截之事是時三楊貴盛
而族滅太后廢黜而幽死

晉惠帝永熙中河內溫縣有人如狂造書曰光
光文長大戟爲牆毒藥雖行戟還自傷又曰兩
火沒地哀哉秋蘭歸形街郵路人爲歎及楊駿
居內府以戟爲衛死時又爲戟所害楊太后被
廢賈后絕其膳八日而崩葬街郵亭北百姓哀
之兩火武帝諱蘭楊后字也

永熙中童謠曰二月末三月初荆筆楊板行詔
書宮中大馬幾作驢楊駿初專權楚王尋用事
故言荆筆楊版也二人不誅則君臣禮悖故云

幾作驢

晉惠帝元康中京洛童謠曰南風起吹白沙遙望魯國何嵯峨千歲髑髏生齒牙又曰城東馬子莫嚙啣比至三月纏汝髮南風賈后字也白晉行也沙門太子小名也魯賈謚國也言賈后将與謚爲亂以危太子而趙王因釁咀嚼豪賢以成篡奪也是時愍懷頗失衆望卒以廢黜不得其死

元康中天下商農通著大鄣曰童謠曰屠蘇鄣

日覆兩耳當見瞎兒作天子及趙王篡位其目實眇焉趙王倫旣篡洛中童謠曰虎從北來鼻頭汗龍從南來登城看水從西來何灌灌數月而齊王成都河間義兵同會誅倫按成都西蕃而在鄴故曰虎從北來齊東蕃而在許故曰龍從南來河間水區而在關中故曰水從西來齊留輔政居宮西有無君之心故言登城看也晉惠帝太安中童謠曰五馬游渡江一馬化爲龍後中原大亂宗蕃多絕唯琅邪汝南西陽南

頓彭城同至江表而元帝嗣晉矣
司馬越還洛有童謠曰洛中大鼠長尺二若不
蚤去大狗至及苟希將破汲桑又謠曰元超兄
弟大落度上桑打樵爲苟作由是越惡希奪其
兗州隳難遂構

晉愍帝建興中江南歌謠曰訇如白阮破合集
持作甌揚州破換敗吳興覆甌甌按白者晉行
阮器有口屬瓮瓦質剛亦金之類也訇如白阮
破者言二都傾覆王室大壞也合集持作甌者

言元皇帝鳩集遺餘以主社稷未能克復中原
偏王江南故其喻小也及石頭之事六軍大潰
兵人抄掠京邑爰及二宮其後三年錢鳳復攻
京邑阻水而守相持月餘日焚燒城邑并堙木
刊矣鳳等敗退沈充將其黨還吳興官軍踵之
蹈籍郡縣充父子授首黨與誅者以百數所謂
揚州破換敗吳興覆甌甌甌瓦器又小於甌
也

晉明帝太寧初童謠歌曰惻力惻力放馬山側

大馬死小馬餓高山崩石自破及明帝崩成帝
幼爲蘇峻所逼遷于石頭御膳不足高山崩言
峻尋死石峻弟蘇石也峻死後石據石頭尋爲
諸公所破也

晉成帝之末民間謠曰噉噉何隆隆駕車入梓
宮少日而宮車晏駕

晉成帝咸康二年十二月河北謠語曰麥入土
殺石虎後如謠言

庾亮初出鎮武昌出石頭百姓於岸上歌曰庾

公上武昌翩翩如飛鳥庾公還揚州白馬牽旒
旒又曰庾公初上時翩翩如飛鳥庾公還揚州
白馬牽流蘇後連徵不入及薨還都葬

庾義在吳郡吳中童謡曰寧食下湖荇不食上
湖蓴庾吳沒命喪復殺王領軍無幾而庾義王
洽相繼亡

晉穆帝升平中童子輩忽歌於道曰阿子聞曲
終輒云阿子汝聞不無幾而穆帝崩太后哭曰
阿子汝聞不

升平末民間忽作廉歌有扈謙者聞之曰廉者
臨也歌云白門廉宮廷廉內外悉臨國家其大
諱乎少時而穆帝晏駕
晉哀帝隆和初童兒歌曰升平不滿斗隆和那
得久桓公入石頭陛下徒跣走帝聞而惡之復
改年曰興寧民復歌曰雖復改興寧亦復無聊
生哀帝尋崩升平五年穆帝崩不滿斗不至十
年也

晉海西公太和中民歌曰青青御路楊白馬紫
游韁汝非皇太子那得甘露漿白者金行馬者
國族紫爲奪正之色明以紫間朱也海西公尋
廢三子非海西子竝死縊以馬韁死之明日南
方獻甘露

太和末童謠云犁牛耕御路白門種小麥及海
西被廢處吳民犁耕其門前以種小麥如謠言
晉海西公生皇子百姓歌云鳳皇生一雛天下
莫不喜本言是馬駒今定成龍子其歌甚美其
旨甚微海西公不男使左右向龍與內侍接生

子以爲巳子公不民對式古向諸與內有姓也
栢石民爲荊州鎮上明民忽歌曰黃曇子曲終
又曰黃曇英揚州大佛來上明頃之而石民死
王忱爲荊州黃曇子乃是王忱之字也忱小字
佛大是大佛來上明也
太元末京口謠曰黃雌鷄莫作雄父啼一旦去
毛衣衣被拉颯栖尋王恭起兵誅王國寶旋爲
劉牢之所敗也

司馬道子於東府造土山名曰靈秀山無幾而
孫恩作亂再踐會稽會稽道子所封靈秀恩之
字也

庾楷鎮歷陽民歌曰重羅犁重羅犁使君南上
無還時後楷南奔栢玄爲玄所誅
殷仲堪在荊州童謠曰芒籠目繩縛腹殷當敗
桓當復無幾而仲堪敗桓玄有荊州

王恭鎮京口舉兵誅王國寶百姓謠云昔年食
白飯今年食麥麩天公誅謫汝教汝捻嚨喉嚨
喉喝復喝京口敗復敗昔年食白飯言得志也

今年纂髮麤麤麤穢其精已去明將敗也天公將
加譴謫而誅之也捻隴喉氣不通死之祥也敗
復敗丁寧之辭也恭尋死京都大行咳疾而喉
竝喝焉
王恭在京口民間忽云黃頭小人欲作賊阿公
在城下指縛得又云黃頭小人欲作亂賴得金
刀作蕃扞黃字上恭字頭也小人恭字下也尋
如謠者言焉

晉安帝隆安中民忽作懊惱歌其曲中有草生
可孽結女兒可孽抱之言桓玄既篡居天位義
旗以三月二日掃定京都玄之宮女及逆黨之
家子女伎妾悉爲軍賞東及甌越北流淮泗皆
人有所獲焉時則草可結事則女可抱信矣

桓玄既篡童謠曰草生及馬腹烏啄桓玄目及
玄敗走至江陵五月中誅如其期焉桓玄時民
謠語云征鐘落地桓迸走征鐘至穢之服桓四
體之下稱玄自下居上猶征鐘之厠歌謠下體
之詠民口也而云落地墜地之祥迸走之言其

龍旣窮其兵勢盛其舟艦卒以滅亡僵屍如積
焉

盧龍據有廣州民間謠云蘆生漫漫竟天半後
擁有上流數州之地內逼京輦應天半之言

義熙三年中小兒相逢於道輒舉其兩手曰盧
健健次日鬪嘆鬪嘆末復曰翁年老翁年老當
時莫知所謂其後盧龍內逼舟艦蓋川健健之
謂也旣至查浦屢尅期欲與官鬪鬪嘆之應也
昔温嶠令郭景純卜已與庾亮吉凶景純云元

吉嶠語亮景純每筮當是不敢盡言吾等與國
家同安危而曰元吉事有成也於是協同討滅
王敦翁年老羣公有期頤之慶知妖逆之徒自
然消殄也其時復有謠言曰盧橙橙逐水流東
風忽如起那得入石頭盧龍果敗不得入石頭
苻堅中童謠曰阿堅連牽三十年後若欲敗時
當在江湖邊後堅敗於淝水在僞位凡三十年
苻堅中謠語云河水清復清苻堅死新城堅爲
姚萇所殺死於新城

苻堅中歌云魚羊田斗當滅秦魚羊鮮也田斗
卑也堅自號秦言滅之者鮮卑也其群臣諫堅
令盡誅鮮卑堅不從及淮南敗還爲慕容沖所
攻亡奔姚萇身死國滅

毛蟲之孽

晉武帝太康六年南陽送兩足虎此毛蟲之孽
也識者爲其文曰武形有虧金虎失儀聖主應
天斯異何爲言兆亂也京房易傳曰足少者下
不勝任也于寶曰虎者陰精而居于陽金獸也

南陽火名也金精入火而失其形王室亂之妖
也六水數言水數旣極火慝得作而金受其敗
也至元康九年始殺太子距此十四年二七十
四火始終相乘之數也自帝受命至愍懷之廢
凡三十五年

太康九年荊州獻兩足獬

太康七年十一月丙辰四角獸見于河間河間
王顥獲以獻角兵象也董仲舒以四角爲四方
之象後河間王數連四方之兵作爲亂階殆其

應也。齊民間王燧數四丈之長，刊爲窟窟，其
晉懷帝永嘉五年，偃鼠出延陵，此毛蟲之孽也。
郭景純筮之曰：此郡東之縣當有妖人欲稱制
者，亦尋自死矣。其後吳興徐馥作亂，殺太守袁
琇，馥亦時滅，是其應也。

晉成帝咸和六年正月丁巳，會州郡秀孝於樂
賢堂。有麀見於前，獲之。孫盛曰：夫秀孝天下之
彥士，樂賢堂所以樂養賢也。晉自喪亂以後，風
教陵夷，秀無策試之才，孝乏四行之實。麀興於

前，或斯故乎？

晉哀帝隆和元年十月甲申，有塵入東海第。百
姓讙言曰：主人東海第，識者怪之。及海西廢，爲
東海王先送此第。

晉孝武太元十三年四月癸巳，祔祠畢，有鬼行
廟堂上，鬼野物也。而集宗廟之堂，不祥莫甚焉。
宋文帝元嘉二十四年二月，雍州送六足麀，刺
史武陵王表爲祥瑞。此毛蟲之孽。

宋順帝昇明元年，象三頭，度蔡洲，暴稻穀及園。

野郎帝具即六平舉三應更蔡州暴僻嫌文園
犬禍刻王妻為新歲此手蠶之孽

公孫淵家有犬冠幘絳衣上屋此犬禍也屋上
亢陽高危之地天戒若曰淵亢陽無上偷自尊
高狗而冠者也及自立為燕王果為魏所滅京
房易傳曰君不正臣欲篡厥妖狗出朝門

魏侍中應璩在直廬欵見一白狗問眾人無見
者踰年卒近犬禍也

諸葛恪征淮南歸將朝會犬銜引其衣恪曰犬
不欲我行乎還坐有頃復起犬又銜衣乃令逐
犬遂升車入而被害

晉武帝太康九年幽州有犬鼻行地三百餘步
晉惠帝元康中吳郡婁縣民家聞地中有犬聲
掘視得雌雄各一還置窟中覆以磨石宿昔失
所在元帝太興中吳郡府舍又得二物頭如此
其後太守張茂為吳興兵所殺案夏鼎志曰掘
地得狗名曰賈尸子曰地中有犬名曰地狼同
實而異名也

晉惠帝永興元年丹陽內史朱逵家犬生三子
皆無頭後逵爲揚州刺史曹武所殺
晉孝懷帝永嘉五年吳郡嘉興張林家狗人言
云天下人餓死
晉安帝隆安初吳郡治下狗恒夜吠聚高橋上
人家狗有限而吠聲甚衆或有夜出覘之者云
一狗假有兩三頭皆前向亂吠無幾孫恩亂於
吳會

桓玄將拜楚王已設拜席群官陪位玄未及出
有狗來便其席萬衆睽候莫不驚怪玄性猜暴
竟無言者遂狗改席而已

宋武帝永初二年京邑有狗人言

文帝元嘉二十九年吳興東遷孟慧度婢蠻與

狗通好如夫妻彌年

孝武孝建初顏竣爲左衛於省內聞犬子聲在

地中掘焉得烏犬子養之之後自死

明帝初晉安王子勛稱僞號於尋陽柴桑有狗

與女人交三日不分離

明帝泰始中秣陵張僧護家犬生豕子

白青白祥

晉武帝大康十年洛陽宮西宜秋里石生地中始高三尺如香鑪形後如偃人盤薄不可掘案劉向說此白青也明年官車晏駕王宮始騷卒以亂亡京房易傳曰石立如人庶人爲天下雄此近之矣

晉成帝咸康初地生毛近白青也孫盛以爲民勞之異是後胡滅而中原向化將相皆甘心焉於是方鎮屢革邊戍仍遷皆攤帶部曲動有萬數其間征伐徵賦後無寧歲天下擾動民以疲怨

咸康三年六月地生毛

晉孝武太元二年五月京都地生毛至四年而氏賊攻襄陽圍彭城向廣陵征戍仍出兵連不解

太元十四年四月京都地生毛是時苻堅滅後經略多事

太元十七年四月地生毛

晉安帝隆安四年四月乙未地生毛或白或黑
晉安帝元興三年五月江陵地生毛是後江陵
見襲交戰者數矣

晉安帝義熙三年三月地生白毛
義熙十年三月生白毛明年王旅西討司馬休
之又明年北掃關洛

魏明帝青龍三年正月乙亥隕石于壽光按左
氏傳隕石星也劉歆說曰庶民惟星隕於宋者
象宋襄公將得諸侯而不終也秦始皇時有隕
石班固以爲石陰類又白祥臣將危君是後司
馬氏得政

晉武帝太康五年五月丁巳隕石于温及河陽
各二

太康六年正月隕石于温三

晉成帝咸和八年五月星隕于肥鄉一

咸和九年正月隕石于涼州

吳孫亮五鳳二年五月陽羨縣離里山大石自

立按京房易傳曰庶士為天子之祥也其說曰石立於山同姓平地異姓于寶以為孫皓承廢故之家得位其應也或曰孫休見立之祥也

晉惠帝元康五年十二月有石生于宜年里

晉惠帝永康元年襄陽郡上言得鳴石撞之聲聞七八里

晉惠帝太安元年丹陽湖孰縣夏架湖有大石浮二百步而登岸民驚譟相告曰石來于寶曰尋有石冰入建業

晉武帝太始八年五月蜀地雨白毛此白祥也是時益州刺史皇甫晏冒暑伐汶山胡從事何旅固諫不從牙門張弘等因眾之怨誣晏謀逆害之京房易傳曰前樂後憂厥妖天雨羽又曰邪人進賢人逃天雨毛其易妖曰天雨毛羽貴人出走三占皆應也

晉惠帝永寧元年齊王冏舉義軍軍中有小兒出於襄城繁昌縣年八歲髮體悉白頗能卜於洪範則白祥也

晉車騎大將軍東羸王騰自并州遷鎮鄴行次
真定時久積雪而當門前方數尺獨消釋騰怪
而掘之得玉馬高尺許口齒缺騰以馬者國姓
上送之以爲瑞然論者皆云馬而無齒則不得
食妖祥之兆衰亡之徵案占此白祥也是後騰
爲汲桑所殺而晉室遂亡

宋文帝元嘉中徐湛之爲丹楊尹夜西門內有
氣如練西南指長數十丈又白光覆屋良久而
轉駛乃消此白祥也

前廢帝景和元年鄧琬在尋陽種紫花皆白白
青也

木沴金
魏齊王正始末河南尹李勝治聽事有小材激
墮槲受符石虎項斷之此木沴金也勝後旬日
而敗

晉惠帝元康八年三月郊禱壇石中破爲二此
木沴金也郊禱壇者求子之神位無故而自毀
太子將危之妖也明年愍懷廢死

晉孝武帝太元十年四月謝安出鎮廣陵始發
石頭金鼓無故自破此木沴金之異也天意若
曰安徒揚經路之聲終無其實鉦鼓不用之象
也八月以疾還是月薨

劉勰受齊石鼓而擲之此木沴金也謝安自日

駿海王... 未何南... 李... 事... 自小林... 鼓

木沴金

青也

亦... 二十一... 公... 治... 始... 事... 自... 皆... 自... 自...

